

證治準繩

幼科集之八下

漢書門	一	二	三	四	五	六	七	八
類號函架冊	〇	一	二	〇	八			

漢書	一	二	三	四	五	六	七	八
類號冊架	〇	〇	八					

內閣文庫		
番號	漢	12548
冊數	80 (60)	
函號	301	61



集聖丸

蘆薈

五靈脂

夜明沙炒

砂仁

橘紅

木香

莪朮煨

史君子肉各貳錢

川連

川芎

乾蟾炙各參錢

當歸

青皮各壹錢半

因於虛者加人參貳錢白朮參錢去莪朮青皮

因於熱者加龍膽草參錢去砂仁莪朮 因於吐

瀉下痢者加白朮貳錢肉果煨訶肉各壹錢伍分

去青皮莪朮 因於積痛者加煨三稜川棟子肉

小懷香各貳錢去當歸川芎 因於瘧者加鼈甲
醋炙參錢 因於蟲者加白蕪荑壹錢伍分川棟
子肉貳錢去當歸川芎 因於渴者加人參白朮
各貳錢去莪朮砂仁
右爲細末用雄豬膽汁貳箇和麪糊爲丸看大小
服米飲送下 此方乃十全丹去檳榔白豆仁加
黃連夜明砂砂仁不熱不寒補不致滯消不致耗
至穩至妥

疳積散 治魃乳病乳夾乳夾食大病之後飲食失
調平居飲食過飽傷脾致成疳積面黃腹大小便

色如米泔大便瀉黃酸臭頭皮乾枯毛髮焦穗甚
至目澁羞明睛生雲翳形體骨立夜熱晝涼丁奚
哺露等證並用主之

厚朴 厚而紫色有油者佳去麤皮切片
生薑自然汁炒熟爲末淨壹兩

廣陳皮 去白爲末 粉甘草 去皮淨 真蘆薈 淨末各
爲末

蕪荑 真孔林大而多白衣者
佳去白衣殼淨末伍錢 青黛 取顏料鋪
中浮碎如

佛頭青色者
研淨末叁錢 百草霜 乃山莊人家鍋底
墨也淨末貳錢

旋復花 淨末壹
錢半

右件勻和成劑用 每壹歲用藥壹分用燈心湯
早上空腹時調服 服後病卽愈當再用肥兒丸

調理如脾氣未實用啓脾丸或大健脾丸如疳
氣未盡用陳皮壹兩白木香叁錢白茯苓伍錢加
好平胃散叁錢陳米粥湯調服

疳眼方 用生雞肝壹具不拘大小雄雌二三歲者只用

半具外去衣內去筋膜研細如麵入疳積散若干

調極勻加好熟白酒厚薄相和隔湯頓溫熱空心

通口服用甜麴酒少加熟白酒亦佳 服至眼開

醫散方止

疳瀉痢紅白積滯用散子加黃連薑汁土炒肉果用濃

燈心湯稍加熟蜜少許調服 食積成疳砂仁湯

調服

集驗方治小兒疳氣不可療神效丹

綠礬用火煨通赤取出用礬醋淬過復煨如此叁次

右細研用棗肉和丸如菉豆大溫水下日進二三

服

元和紀用經麝香丸 主小兒疳瘦面黃髮穗骨立

減食肌熱驚癇疳蟲

麝香研 蘆薈研 胡黃連末

右等分研勻滴水丸黃米大一歲三丸三歲五丸

至七丸人參湯下日三服無比奇效一方胡黃連

肆分餘二物各貳分療疳痢溫瘧無比尤驗一名
聖丸疳藥百數無如此者小兒癩癩驚風五疳三
蟲服之立見功效虻蟲作疾枯瘁又痢不住熱藥
調護最難得法唯此若神經以四味飲黑散紫圓
至聖散五加皮治不能行蜀脂飲并此麝香圓七
方謂之育嬰七寶紫陽道士亦名保子七聖至寶
方專為一書者此是也

靈苑千金丸 治小兒一切疳久服令兒肥狀無疾

川棟子肉

川芎

各等分

右同為末豬膽汁和杵為丸如麻子大量兒大小

加減丸數每以飯飲吞下日二服常服三丸至五
丸張氏家傳丸如菜豆大分五分用朱砂青黛白
定粉光墨蜜陀僧名為五色丸非時進米飲下孔
氏家傳治疳熱下蟲方同用臘月乾豬膽膏為丸
如乾湯化動丸菜豆大十九十五丸肉湯下疳蟲
如髮便看即見稍遲即化

太醫局蘆薈丸 治疳氣羸瘦面色痿黃腹脇脹滿

頭髮作穗揉鼻咬甲好喫泥土痢色無定寒熱往
來目澁口臭齒齲爛黑常服長肌退黃殺疳蟲進
乳食

乾蝦蟇 以上貳味等分同燒存性

大皂角 為末每末壹兩入後藥

青黛 貳錢半研

朱砂 壹錢飛研各

右合研勻湯浸蒸餅為丸如麻子大三歲兒服二

十九不計時候溫米飲下量兒大小加減

錢氏膽礬丸 治疳消癖進食止瀉和胃遺蟲

膽礬 真者壹錢為末 綠礬 真者貳兩 大棗 拾肆個去核

好醋 壹升 已上四物同熬令棗爛和後藥

史君子 貳兩去殼 枳實 去穰炒叁兩 黃連 巴豆 貳柒枚去皮破之

已上五物同炒令黑約三分乾入後藥

夜明砂 壹兩 蝦蟇灰 存五分性壹兩 苦楝根皮 末半兩

已上三物再同炒候乾同前四物杵羅為末却同

前膏和入臼中杵干下如未成更旋入熟棗肉亦

不可多恐服之難化太稠即入溫水可圓即圓如

菉豆大每服二三十丸米飲溫水下不拘時

西京丁左藏蝦蟇丸 肥孩兒常服得效

乾蝦蟇 大者壹枚泔浸叁宿去腸肚頭爪淨洗酥炙令黃香 陳皮 去白貳錢半

胡黃連 兩 鬱金 燕萸仁 各半兩

右為末於陶器內用豬膽汁和令稀稠得作於

飯上蒸熟為度取出半日丸如菘豆大常服五七

丸陳米飲下

張氏神麩散 治小兒諸般疳

神麩

陳橘皮不去

大黃紙裹 炮熟

芍藥

各壹錢 貳分半

桔梗

川芎

厚朴

薑汁製

枳殼去穰 欬炒

白茯苓各貳 錢半

人參

壹錢半

甘草伍錢 炙

右為細末每服壹錢入薑壹片如茶法煎服無時

治小兒一切疳肌膚消瘦瀉痢不止口鼻生瘡水穀

不化方

蝦蟆灰

存性

白礬

烏鬚魚骨炙

蜜陀僧

各貳 錢半

麝香

壹錢貳 分半

右為末煉蜜丸如菘豆大溫水下三丸聖惠方同

但麝香用半兩

莊氏第五 候用此方

治小兒一切疳方

莊氏第十四 候用此方

蟾頭

壹箇 炙

膩粉

豆豉

蕪荑

黃連

各貳 錢半

右為末軟粟米飯為丸麻子大早晚米飲下三丸

又方

莊氏第十七 候用 此方及香連丸

蘆薈

胡黃連

朱砂

青黛

麝香

各貳錢半

蟾酥

少許

右為末飯為丸如芥子大每服空心臨卧温熟水下五七丸

洪州張道人傳治小兒一十二種疳肝疳急疳風疳肉疳脊疳口疳腦疳食疳蛔疳脾疳腎疳心疳定生死有此候者取得蟲青者死黃者可治須服定

命丹

木香

夜明沙

麝香

各壹分

蟬蛻

叁分

胡黃連

貳錢

金箔

銀箔

各伍片

右件為末米飯丸如麻子大空心米飲下三九日

三服忌鹹酸油膩

第一肝疳小兒雖飲乳漸喜食肉尤愛酸醎只服定

命丹次服此藥

肉豆蔻

叁個

枳殼

炒柒錢半

茯苓

胡黃連

各半兩

大黃

甘草

丁香

麝香

各貳錢

右為末每服壹字米飲下日兩服久者五服効

濱山史君檳榔丸 治小兒食肉太早傷及脾胃水

穀不分積滯不化疾作疳痢等候並宜服之

成疳治疳之法量候輕重理其臟腑和其中脘順
其三焦使胃氣溫而納食益脾元壯以消化則臟
腑自然調貼令氣脉與血脉相參則筋力與骨力
俱健神清氣爽疳消蟲化漸次安愈若以藥攻之
五臟踈却腸胃下去積毒取出蟲子雖曰醫療卽
非治法蓋小兒臟腑虛則生蟲虛則積滯虛則疳
羸虛則脹滿何可利下若更轉動腸胃致虛由虛
成疳疳虛證候乃作無辜無辜之孩難救矣
胡黃連丸 治嬰兒一切疳候及一切虛痢他藥無
功此藥極効

胡黃連

蘆薈

草黃連

肉豆蔻 炮

桂心

人參

朱砂

史君子 去殼

木香

釣藤

龍齒

白茯苓 以上各壹錢

麝香 壹字研

右件各生用為細末取豬膽貳枚裂汁和末令
勻却入袋內盛之用線紮定湯煮半日取出切破
袋子加萹荇子 貳錢 黃丹 壹錢 二味另研如粉入前藥
和勻搗五百杵丸如菉豆大但是疳與痢用粥飲
下五七丸子幼者三丸不吃粥飲乳頭令吮能治

一十二種痢及無辜者功效非常

議曰疳之疾危發由於漸痢之後逆傳自於延久
為初見其輕言之曰常後知其重告之無門是以
痢疳皆由積毒嬌恣口腹因虛以致虛因害而傷
害醫工見有此等自是憂疑病家欲得便甦豈無
性急更遷取活展轉逾深或疳極而腹下痢或熱
盛而加作渴或煩躁四體虛浮或飲食一時嘔吐
常方不能安愈快劑恐越傷和並宜服此

肥肌丸 治小兒一切疳氣肌瘦體弱神困力乏常服殺蟲消疳開胃進食

黃連 去鬚

川棟肉 炒

川芎 各半兩

陳皮

香附子 各貳錢半

酒煮炒乾

木香 貳錢

右件為末水煮細麵糊為丸如麻子大每服三五
十丸温飯飲下

議曰驚疳積痢各分證候用藥今有小兒患疳虛
困又作痢疾二候相加最為惡重疳痢併行臟腑
虛乏之極熱毒差重皆係積之久滯雖曰係積無
積可療乃虛受之然謂其虛補之不及所見其證
不得良方以何對治雖獲其方不審其候亦難療
也良由脉與病同藥與證對醫工運巧扶而起之

必得安樂胡黃連丸無以加矣肥肌良方亦佐勝焉

疳積 漢東王先生論小兒發熱形瘦多渴喫食不長肌肉者謂之疳熱 湯氏云疳熱當服進食丸方見磨積仍間服化蟲丸後服鼈甲散退熱次服肥兒丸

疳瘦

湯氏鼈甲散 治疳勞骨熱

鼈甲

攻肋者湯浸用童便塗炙

黃芪 蜜炙

白芍藥

各壹兩

生熟地黃

地骨皮

當歸

人參

去蘆各半兩

右咬咀每服貳錢水半盞煎服

化蟲丸 治疳熱

白蕪荑

黃連

神麩

麥芽

各炒等分

右末糊丸如黍米大空心米飲下豬膽汁尤佳

豬肚丸 治骨蒸疳勞肌體黃瘦

木香

半兩

黃連

生地黃

鼈甲

九肋者湯浸用童便塗炙

銀柴胡

去蘆

青皮

各壹兩

右為末豬肚壹枚入藥於內以線纏之於沙礮內懸胎煮熟取出細研豬肚為丸如麻子大米飲送

下量大小加減不拘時服

龍膽丸三因治疳病發熱

龍膽草

黃連

史君子肉

青皮各等分

右為末豬膽汁和丸如桐子大每服三十九臨卧熟水下量兒加減

世烏犀丸 治小兒疳熱腹内生蟲肚大手足疲弱

丁奚疔羸此方治疳熱如神

黑牽牛貳兩

史君子肉茶錢半

青皮貳兩

雷丸貳錢半

苦楝皮一方不用楝皮用蓋蒼貳錢半

鶴蝮各半兩

右同入鍋內炒焦為末麵糊丸黍米大三歲兒二十九米飲下食前

二丁丸 治乳癖食癖疳熱

白丁香半兩

丁香

蜜陀僧各壹兩

韶粉壹錢 硫黃叁錢

右為細末糊丸如小豆大三歲兒十九日哺時米一飲下飲乳者乳汁下次日當取下惡物熱即隨退加黃鶯屎壹錢尤妙

譚氏殊聖金瓜丸 治小兒疳熱身多壯熱黃瘦久

服令肥

黃連 黃蘗 甘草微炮 青皮各等分

右為末入麝香少許用豬豬膽壹枚入藥膽內線
紮定入石器中漿水煮五七沸取出風弔一宿丸
如菘豆大每服五七丸米飲下量兒加減玉訣方
同外以朱砂為衣仍治脾疳博濟方同劉氏家傳
方亦同云或添胡黃連若早晨服史君子丸晚服
金瓜丸永無疾消食長肌肉莊氏家傳方同仍加
夜明砂一味等分趙氏方亦同名涼疳藥長沙朱
司理以為有神効

蘆薈丸 治小兒驚熱疳不思食

蘆薈 熊膽 朱砂各貳錢半

青黛朱錢半 訶梨勒煨取肉叁錢 麝香壹錢

右為末糯米飯為丸如麻子大空心隨歲數與之
用沙糖水嚥下五七丸

茅先生柴胡散 治小兒疳熱四肢如柴不能起止

柴胡 知母 貝母去心

茯苓 茯神 乾葛

甘草炙各等分

右為末每服用小麥一匙頭藥一匙頭水一盞同

煎陸分去滓服

六物黃芩湯 治少小腹大短氣熱有進退食不安
穀為之不化

黃芩

大青

甘艸炙

麥門冬去心

石膏碎各半兩

桂皮參錢

右每服參錢水壹盞煎至七分去滓溫服

莊氏青黛丸 治疳熱

青黛研壹兩

胡黃連

宣連

天竺黃研各半兩

朱砂水飛貳錢半

麝香研壹錢

肉豆蔻貳個

牛黃半錢研

乾蟾壹枚端午日取者酒浸洗去腸肚塗酥炙黃

右件除研藥外為末再同研勻菉豆粉煮糊丸如

芥子大每服空心夜後熟水下三丸恐菉豆粉難

和圓菉豆麵作糊亦得

至氏史君子散 治疳熱

右用史君子不以多少曝乾為末空心米飲下大者壹

錢小者半錢取蟲出為度

豬肚黃連丸直指治疳熱流注遍身瘡蝕或潮熱肚脹

或渴

用雄豬肚淨洗壹具宣連淨伍兩剉細水和潤納肚中線

縫放五升粳米上蒸至爛入口中加少蒸飯搗千
杵丸小桐子大每服二十九米飲下仍服調血清
心之劑佐之凡兒病不出於此則出於此

柴胡飲 治骨蒸疳氣五心煩熱日晡轉盛口乾無
味渴多身瘦胃滿痰緊小便黃色食減神昏

北柴胡去蘆 淨洗

人參去蘆

當歸酒洗

黃芩

赤芍藥

甘草炙各 壹兩

大黃生用

桔梗去蘆 判炒

北五味子梗去

半夏湯煮透去 濕各半兩

一引海服貳錢水壹盞置梅壹亞薑貳片煎七分

無時溫服

疳勞 卽疳熱而骨蒸兼諸咳嗽盜汗等證是也湯氏

鼈甲散豬肚丸皆對證之藥

乾地黃煎頤 治小兒疳勞肺氣熱咳嗽四肢漸瘦

心脉乾

生地黃汁伍兩

酥

生薑汁

蜜各壹兩

鹿角膠半兩

右先以地黃汁入鎗內慢火煎手不住攪約五六
沸下酥又五六沸下蜜次下膠又下薑汁慢火煎
後如稀餳卽任火每食後兩度共與壹匙頭忌諸

毒物

王先生雞肉煎丸 治小兒十歲以上疳勞壯熱形瘦

宣連 去鬚 貳兩

銀柴胡 去蘆 洗淨

秦艽 去土 淨

知母

史君子 肉

子苓 各壹兩

蕪荑 去衣

川鶴虱 各半兩

右為末以黃雌雞壹隻重壹斤許籠之專以大麻子飼之至五日後宰去毛令淨於臀後開孔去腸肚淨洗拭乾入前藥末於雞腹內以線縫之取小甌先以黑豆鋪甌底厚三寸安雞在甌中四傍以

黑豆圍裹上亦以黑豆蓋之自日出蒸至晚候溫冷取雞去腹中藥及筋骨頭翅以淨肉研勻和得所如乾入酒麵糊為丸如大麻子及小菘豆大每服十九十五二十丸以意加減空心臨卧麥門冬熟水吞下如小兒疳勞骨熱十五歲以上溫酒下忌豬肉

張氏三和飲子 治三焦膈塞五藏澁滯氣逆痰涎米食後惡涎太陽昏痛及治山嵐瘴氣吐逆不美飲食面色浮黃指甲青黑小兒疳勞吐乳及大人小兒久病乍安神氣未復寒熱往來並皆救療

紫團人參 參兩半 洗剉

甘草 壹兩半 炙剉

綿黃芪 伍兩酒浸壹宿洗淨剉

右件三味同入木臼內用木杵搗為麤散每服三大錢生薑三片水二盞棗三枚同煎八分去滓服不拘時候

犀角散 治小兒骨熱解毒

銀州柴胡 川大黃 甘草 炙

川芎 茯苓 芍藥

麩葛 桑白皮 地骨皮

山梔子仁 黃芩 貝母 各半兩

右為末每服壹大錢水壹盞入青蒿壹枝小麥拾粒煎七分溫溫服之大段有患更入麻黃連翹二味與前藥等分為末煎服之效 莊氏第二十一候用此方

鼈血煎 治疳勞

蕪荑 柴胡 川芎 各壹兩

人參 半兩 史君子 貳拾壹枚去殼 胡黃連

宣黃連 各柒錢

右用鼈血壹盞吳茱萸壹兩和二黃連淹一宿次早炒乾去茱萸并血用二連入餘藥末粟米粉糊丸麻子大食前熟水下

黃連丸 治疳勞

黃連 半兩淨積 膽汁浸晒 石蓮子

瓜蒌根

杏仁 湯浸去皮焙 烏梅肉 各貳錢

右為末牛膽汁浸糕糊丸蔴子大煎烏梅薑蜜湯

下

疳渴 聖惠天竺黃散 治小兒疳多渴體熱煩躁少

得睡卧

天竺黃 細研

黃連 去須

馬牙硝

梔子仁

葛根 剉各半兩

甘草 炙微赤剉

牛黃 細研

款冬花

紫苑 洗去苗土

犀角 屑

土瓜根 各貳錢半

右件藥搗細羅為散都研令勻不計時候以蜜水調下半錢量見大小加減服之

治小兒疳熱煩渴不止方

乾蟾頭 貳枚塗酥炙焦黃

蝟牛殼 微炒

胡黃連

蘇蘆根 各半兩

右件藥搗細羅為散每服以竹葉湯調下半錢不計時候量見大小臨時加減服之

五膽充 聖惠 治小兒渴疳

豬膽

狗膽

牛膽

鯽魚膽

蝟膽

已上各壹枚

右件藥四膽汁並入牛膽內在竈北後懸候稍乾可丸卽丸如黍米大每服以新汲水下貳丸以飲水足為度空心午後各壹服更量兒大小加減

胡黃連散 治小兒疳熱渴乾瘦

胡黃連

犀角

屑各貳錢半

生地黄汁

合

羊子肝

壹具研取汁

麝香

半錢細研

蜜

半合

右件藥搗胡黃連犀角細羅為散入麝香研勻以羊肝汁地黄汁蜜等調令勻每服煎竹葉湯調下藥汁壹茶匙量兒大小加減服之

黃連丸 治小兒疳熱煩渴

黃連

去鬚

天竺黃

牛黃

各細研

甘草

炙微赤剉

梔子仁

款冬花

葛根

剉

紫苑

洗去苗

犀角

屑各貳錢半

川朴硝

半兩

竹瀝

貳合

右件藥搗羅為末先用竹瀝拌和更入熟蜜和丸如菉豆大每服以新汲水研破伍丸服之日四五服量兒大小加減

聖惠又方

右用蝸牛參伍拾枚淨盤內以物蓋令行卽有似

銀泥處以膩粉和搯取便丸之如黍米大不計時
候以溫湯下貳丸

又方

杏仁

湯浸去皮尖
雙仁貳錢半

膩粉

壹錢

右件藥研杏仁如膏入膩粉相和令勻用麵糊和
丸菉豆大空心以粥飲下參丸

錢乙龍粉丸 治疳渴

草龍膽

定粉

微炒

烏梅肉

焙秤

黃連

各貳分

右為細末煉蜜丸麻子

飲下壹貳拾丸無時

青香丸

張氏

治小兒疳渴引飲不休肌體羸劣

胡黃連

青黛

朱砂

鶴虱

各等分

右為末積豬膽汁和丸菉豆大每服參丸米飲下

劉氏治小兒疳渴方

豬胞

壹箇大者

甘草

壹兩寸斷劈
破入胞內

右以水壹斗煮至參升去甘草將胞焙乾末之每
服貳錢或參錢熟水調下大人亦可服

莊氏治小兒渴疳方

右用蛤粉取生大鮎魚壹尾以粉塗頂上刮下涎

入粉同研丸鷄頭大每服壹丸更用活小鮎魚壹尾水半盞浸涎水壹藥注子化下一丸立止便與

和氣散 方見 壹貳服補之

又方 治疳渴不止

井泉石 又名石甘遂 太陰玄精石 馬牙硝

右各等分為末入生硫黃少許每服半錢以生米

泔水調下

吉氏家傳方

乾葛

胡黃連

甘艸炙

黑參

麥門冬 去心各等分

右件為末每服壹錢水半盞薑壹片煎肆分

治小兒疳渴常服五疳不生方

乾蝦蟆 貳枚長流水內刮去肚腸以法酒參升瓶內煮令爛去骨研如粉

黃連 淨肆兩別為末 硃砂 壹錢半

麝香 壹錢研

右先將蝦蟆膏與黃連末同研後更與麝香硃砂等研勻作丸如菉豆大每服拾丸陳米飲下如患疳用黃蠟茶清下如難丸入些少酒麵糊不妨

治小兒一切疳熱渴方

蚘蝦蟆 大者兩枚

蝸牛蟲 半升用井水淘洗淨為度然後用新瓦罐子壹

具入貳物在內用鹽泥固濟了不得透風更進火燒令通赤候冷取出貳物不用罐子

疳

公利

大黃

黃連 各半兩

麝香 貳錢半

右為末麵糊丸如芥子大每服參丸至伍丸米飲

下莊氏第十六候用此方

治小兒疳渴方

人參

乾葛

黃芩

柴胡

甘草 炮各貳錢半

右為末每服壹錢水壹盞煎五分去滓候冷分為

伍服每喫藥時更點鉛白霜寒水石共研壹字服

之方治疳 莊氏第二十候先用此止渴

相效惠眼防已丸 治疳嗽不止

漢防已

牽牛子

馬兜鈴 炒

甜葶藶 別研各等分

右為末煮棗肉為丸如菉豆大每服拾丸煎糯米

飲下與溫肺散相啣服

溫肺散

蘇藶根 半兩

甘草 炙貳錢半

右為末每服壹錢蜂蜜熟水調下

小兒肺疳多是吃着熱米食及病妳傷損心肺便生

喘嗽愚醫不辨冷熱以藥攻之變成黃腫漸覺昏

沉宜服杏仁散

子疳 疳積

力十八

百七

杏仁 拾肆粒

甘草

款冬花 各貳錢

麝香

胡黃連 各壹錢

半夏 湯泡 次半兩

右件為末每服壹字棗湯調下日進貳服

疳積 其候面帶青黃色身瘦肚膨脹頭髮立身熱

肚中微痛此因疳盛而傳為此候治之先用勻氣散

醒脾散二方並見調理二日後下青金丹癖取下疳

積再下勻氣醒脾散補常服保童丸一切即瘉 玉

訣云疳氣腹脹潮熱先與調胃氣後與取虛積藥次

服疳藥

錢乙牛黃丸 治小兒疳積

雄黃 研水

天竺黃 各貳錢

牽牛 末 貳錢

右同再研麵糊為丸粟米大每服叁丸至伍丸食

後薄荷湯下兼治疳消積常服尤佳大者加丸數

張渙褐丸子 治小兒疳氣腹脹如鼓及妳癖食癖

蘿蔔子 壹兩 半炒

黑牽牛 壹兩 炒

胡椒 貳錢 半

木香

莢茂 濕帑裏煨切作 片子各半兩

右為細末麵糊為丸黍米大每服貳拾丸煎仙人

骨湯下

換骨丹

陳粟米 壹合

陳橘皮 剉

青皮 剉

黑牽牛

各半兩

巴豆

去殼貳錢半

右件一處同炒令焦黃色揀去巴豆不用却入木香半兩為細末麪糊為丸黍米大每服拾九橘皮湯下

莊氏參苓散

治小兒因積成疳久致脾胃虛弱不思飲食

思飲食

人參

茯苓

川芎

各壹兩

甘草

芍藥

黃芪

各半兩

青皮

去白貳錢半

右為細末每服壹錢水壹小盞煎至伍分去滓温服

服

香甲丸

治小兒積疳潮熱盜汗羸瘦煩渴手足心熱服之皆効輕骨長肌

蔡夢祥家壽翁苦黃瘦

不食多汗喜叫哭服之効

木香

貳錢半

鼈甲

去羶爛醋炙

檳榔

史君子肉

柴胡

去蘆

黃連

去鬚各半兩

右為末續豬膽汁和丸葉豆大每服貳拾九日中

臨卧米飲下久發潮熱多汗無力者服之即効

趙氏青蒿丸

療小兒久積疳氣日漸羸瘦面黃頭

髮作穗好食土咬指甲捻鼻兼治骨蒸勞熱及取

疳蟲退諸癥積熱小兒常服徧身香為効

白檳榔 壹枚

白蕪荑 肆拾枚

黃連 去須拾肆莖

夜明沙 淘淨貳錢半已上為末

太陰玄精石

麝香 炒

朱砂 各半錢

蘆薈 天竺黃 青黛 各壹錢

右將後七味同研細與前四味一處再研勻令極

細取青蒿自然汁慢火熬濃仍用豬膽壹枚取

汁同搜藥丸如粟米大每服伍丸至柒丸並用米

飲下醖醋湯亦得取疳蟲煎醋石榴湯下二十服

取盡蟲

吉氏治五疳傷積方

蕪荑 各壹兩

神麩 半兩

史君子 連殼拾肆箇

鶴虱 少許

末之豬膽調麵糊為丸菜豆大每服拾丸米飲下

青金膏 治疳積

青黛 朱砂 蘆薈

蟾酥 各壹錢 麝香 半錢 蜣螂 壹枚

蛇皮 項後肆寸

右為末水化酥丸如粟米大每服兩丸倒流水送下又水化壹丸注於鼻中須臾眉上白蟲出便安

青難治

豆蔻散 治疳積或冷利腹大脚小身熱面無顏色

肉豆蔻 貳箇

胡黃連 壹錢

史君子 肆枚

青黛

棟根

蕪荑

厚朴 薑汁炙

甘艸 炙各半兩

麝香 少許

夜明沙 別研壹錢半

右末每服壹錢或半錢蜜水或粥飲調下

知母散 治諸般疳積肚脹無時瀉痢或時壯熱狀

如瘧疾大効

知母

青皮 去白焙乾秤

柴胡 各貳錢

甘草 炙

紫參 各叁錢

訶子 煨熟用肉叁枚

右為細末每服壹錢水伍分煎至叁分溫服有熱則退有痢則除有結則通

正傳經驗檳榔丸 治小兒疳病積氣成塊腹大有

蟲等證其効如神

檳榔 壹兩

三稜 煨去毛切醋炒

蓬莪茂 醋炒

青皮 去穰麩炒黃色

陳皮 去白

雷丸

乾漆 炒煙盡

麥蘖麩 炒

神麩 炒黃色

山查肉 各半兩

鶴虱 畧炒

木香 不見火

甘草 炙

胡黃連 各叁錢

蕪荑 水洗淨貳錢半

良薑

陳壁土炒貳錢

砂仁

壹錢

右為細末醋糊為丸如菉豆大每服參伍拾丸空心淡薑湯下

疳瀉

茅先用青金丹

瀉

取下疳積後用勻氣散

不乳食

香連散乳香散

瀉

調理瀉止服常服保童丸

疳一切

石壁經云疳瀉因不慎飲食或食交乳致然腹中有

片子或如雞子又如三二指大所以作瀉糞出如糟

毛髮硬面無光或青黃色目多灰視當分水穀乃瀉

溫和藥和氣即瘰若藥熱則作腫而死

婁瀉而多

食為蟲疳宜殺蟲藥

瀉而少食為冷疳宜溫藥

飛積

仙人水鑑粉霜丸

治小兒疳一切瀉方

粉霜

白丁香

各壹錢

巴豆

貳枚不出油

右為末爛飯為丸如小菉豆大每服并華水下貳

丸

熱瀉

錢乙二聖丸

治小兒臟腑或好或瀉久不愈羸瘦

成疳宜常服此方

川黃連

去鬚

黃檗

去麤皮各壹兩

右為細末將藥末入豬膽內湯煮熟丸如菉豆大

每服貳參拾丸米飲下量兒大小加減頻服無時

劉氏胡黃連飲子

治小兒疳熱作瀉無時飲食進

退面黃體黑日漸瘦悴

胡黃連

黃藥子

人參

甘草

白朮

秦朮

柴胡

右各味用淨哎咀每服貳錢匕水壹盞嫩桃柳枝

各柴寸烏梅少許同煎捌分去滓澄清分作兩分

早食後少空一服臨卧再服以小便深赤為驗候

小便清住藥便生肌膚能進食飲大抵小兒羸瘦

並宜服此十五歲以下皆可服

莊氏黃連丸 治疳瀉疳痢

黃連

削淨洗乾
碾為末

大蕪荑仁

乳鉢研細
各等分

右二末一處和勻糯粟米相和煮稀粥為丸小菘

豆大量兒大小三歲柒丸至拾丸三歲以上拾伍

丸至貳拾丸空心陳米飲下日進三服

錢乙如聖丸

治冷熱疳瀉

胡黃連

白蕪荑

去扇炒

川黃連

各貳兩

史君子

壹兩去殼秤

麝香

別研半錢

乾蝦蟨

伍枚剉酒熬膏

右前藥為末用膏丸麻子大每服人參湯下二參

歲者伍柒丸以上者拾丸至拾伍丸無時

博濟方胡黃連丸

治小兒疳疾瀉痢

冷熱瀉

胡黃連

丁香

蜜陀僧

各半兩

肉豆蔻

檳榔

紅雪

壹兩

訶子

貳枚以壹枚煨壹枚生用

右件七味同研細入麝香貳錢半和勻次入菜豆末少許同水和為丸如麻子大兒三歲以下壹丸三歲以上伍丸孩子腦疳鼻痒及赤爛黃連湯下脾虛羸瘦泄痢四肢虛腫青州棗湯下肝疳眼澀生瘡甘艸湯下骨疳冷地卧愛食土紫蘇茶湯下常服米飲下肺疳上氣急喘隔皮湯下筋疳瀉血鹽湯下疳蟲及瀉無定生薑湯下

香薷丸 治疳瀉

黃連

炒叁錢

肉豆蔻

木香

訶子肉

砂仁

茯苓

各壹錢

右為末飯為丸麻子大米飲下

瀉

錢氏木香丸

治時時下利唇口青白

木香

青黛

檳榔

肉豆蔻

去皮各貳錢半

麝香

另研壹錢半

續隨子

壹兩半炒

蝦蟆

叁箇先用繩繫晒乾燒存性

右為末蜜丸如菜豆大每服叁伍丸至壹貳拾丸薄荷湯下食前

沒石子丸錢氏 治泄瀉白濁及疳痢滑兒腹痛者

木香 黃連各貳錢半 沒石子壹箇

荳蔻仁貳箇 訶子肉壹箇

右為細末飯和丸麻子大米飲下食前量兒加減

聚寶方黃龍丸 定小兒疳冷瀉

朱砂研錢 龍腦半字研 硫黃壹兩

雄黃貳錢半

右用甘鍋子一隻盛雄黃在內用盞一隻盛水半

盞坐在鍋子上炭火燒甘鍋其藥飛在盞底上刮

下與朱砂硫黃同研入腦子糯米粥丸如黃米大

每服參丸食前椒湯下

吉氏蘆薈丸 治疳瀉不止不思飲食腹脹

丁香 肉豆蔻去皮 木香對各半兩

右三味用麵裹慢火中煨熟為度取出去麵入蘆

薈壹兩史君子肉半兩同為細末稀糊為丸如黍米大

每服拾丸至貳拾丸米飲下

湯氏治休息痢及疳瀉痢遷延日月百藥俱試飲食

不妨便利不止用雞子壹枚打破鎔黃蠟壹塊如指

大以雞子和炒空心喫盡百醫百効無不獲安

本事方治小兒疳痢垂死者取益母草炙食之取足

疳止甚佳

錢氏大蘆薈丸 本門通治

胡連麝香丸

榆仁丸 並見本門出蟲

良方吳婆散 治小兒疳瀉不止日夜不計遍數漸

漸羸瘦

桃根白皮 黃蘗 蜜炙

蕪荑 去皮

黃連 微炒已上 厚朴 薑汁炙

木香

檳榔 丁香 各壹錢

沒石子 壹錢半

棟根白根 壹錢貳分半

右為末每服壹字二歲以上半錢五六歲壹錢用

紫蘇木瓜米飲調下乳食前一日三服予家小兒曾有患瀉百餘日瘦餘皮骨萬方不差有監兵鍾離君見之曰何不服吳婆散立可差也乃求方合與兩三服便效又孫男亦疳瀉勢甚危困兩服遂定若病深者服一兩日間決差此藥若是疳瀉無不驗者藥性小溫暴熱瀉者或不相當

丹溪治一富家子年十四歲面黃善啖易飢非肉不飽泄瀉一月來求治脉之兩手皆大怪不甚瘦倦以為濕熱當脾困而食少今反形健而多食且不渴予意其疾必疳蟲作痢也取大便視之果蚘虫所為適

往他處有一小兒醫在側教其用治蟲藥治之禁其勿用去積藥約回途當為一看診而止痢也偶勿果至次年春夏之交其瀉復作腹不痛而口乾予曰此去年治蟲而不治疳故也遂以去疳熱之藥濃煎白朮湯下三日而瀉止半月後偶過其家見其子甚瘦予教以白朮為君芍藥為臣川芎陳皮黃連胡黃連入少蘆薈為丸白朮湯服之半月而止禁其勿食肉物三年當自愈

嬰瀉

斗門經治小兒疳瀉方

右用赤石脂杵羅為末極細如麵以粥飲調半錢

服立差或以京芎等分同服更妙

莊氏家傳治疳瀉久不瘥方

赤石脂

綠礬

石灰

硫黃半兩

各貳兩

右研勻入罐子內燒令焰碧去火放冷取研每服壹字或半錢煎小黃米飲放冷調下食前服

又方

史君子炮

五倍子瓦上炒黃

沒石子各等分

右為末每服半錢陳米飲調下

瀉痢 官氣方解小兒疳熱疳痢殺蟲用青黛不以多

瀉痢

力十

行

少水研服

外臺治疳痢曉夜無度者取樗根濃汁及粟米泔各

一雞子殼許以竹筒吹入下部再度瘥

治疳痢大孔開利不止以黃連末入麝香少許和勻

以竹筒吹入

圖經治疳痢以地榆單煮汁如飴糖與服便已

孟詵療小兒疳痢方

右用樗木根取白皮壹握倉粳米伍拾粒葱白壹

握甘草貳寸炙豉貳合以水壹升煮取半升頓服

之小兒以意服之枝葉與皮切用皆同

聖惠治小兒疳痢不止下部痒青黛散

青黛

蟾灰

胡粉

黃連

麝香

赤石脂

訶梨勒皮

壹兩

右件藥搗羅為散每服以乳汁調下半錢日三四

服量兒大小加減

殺疳丸 治疳痢不止

雄黃

麝香

牛黃

蘆薈

朱砂

龍骨

蜜陀僧

燒紅

胡黃連

各貳錢半

青黛

半兩

疳疔

力斗

百三

金箔拾片細研

肉豆蔻貳枚去殼

蟾酥壹錢貳分半熱水化如泥

右件藥搗羅為末入研藥及蟾酥研令勻湯浸蒸

餅和丸如黃米大每以溫水下參丸煎黃連苦參

湯洗身上用青衣蓋出蟲便瘥

白龍骨丸 治疳痢不止

白龍骨

白石脂

雞屎礬燒令汁盡

黃連微炒

胡粉微炒

白茯苓

阿膠微炒

右搗羅為末煉蜜和圓如麻子大每服以粥飲下

伍丸日三四服量兒大小加減

肉豆蔻丸 治小兒疳痢不喫乳食四肢瘦弱

肉豆蔻去殼壹枚

木香半兩

人參去蘆頭

訶子肉煨

朱砂

麝香並細研各貳錢半

右搗羅為末都研令勻用軟飯和丸如麻子大每

服以米飲化下參丸日三四服量兒加減

聖惠黃連散 治小兒疳痢久不瘥肌肉消瘦面黃

髮焦啼叫不常

胡黃連末

白礬燒令汁盡

白龍骨末各半兩

胡粉微炒貳錢半

右件藥同細研為散一歲兒每服以米飲調下壹

字二歲每服半錢隨兒大小量病輕重加減
蕪荑丸 治小兒久疳痢不瘥

蕪荑 半兩

羊子肝 壹具

右先以子肝切作片子以蕪荑末摻在肝內線纏
合米泔中煮令熟搗爛糯米飯和丸如麻子大每
以粥飲下伍丸早晨晚後各一服量兒加減
莊氏第一候瀉膿血日漸瘦是冷熱疳宜服八香丸
方

胡黃連 壹錢

腦 各半

牛黃 壹錢貳分半

蘆薈 壹錢半

蟾酥 伍捻子作 白花蛇 半兩酒浸去骨

蝎稍 貳錢半

右為細末豬膽丸如黃米大每服伍丸米飲下
如患甚仍用生米泔調作散半錢服日三服
治小兒腸鳴瀉痢口鼻乾常有鮮血日夜疼方

白朮 炮

硫黃 各貳錢半

枳殼 炒

胡黃連

當歸 各半兩

右為末每服半錢熟水調下

張道人第二急疳小兒疳痢下赤色膿血下部脫肛
雖有精神命在須臾但服此沉香丸方

沉香

人參

蝎

胡黃連

乳香 各壹分

龍骨

甘草 各分

右件棗肉為丸如麻子大每服叁丸米飲下日三服久患七服効

木香丸 治疳痢

黃連

淨叁錢

木香

紫厚朴

薑製

夜明沙

隔紙炒各貳錢

訶子肉

炒壹錢

右為末飯丸麻子大乾艾生薑煎湯食前下

疳痢腹痛

白朮散

治小兒疳痢腹脹疔痛日夜三

二十行

白朮

壹兩微炒

當歸

地榆

並剉微炒

木香

赤芍藥

甘草

炙半兩

右件藥搗麤羅為散每服壹錢以水壹小盞煎至伍分去滓不計時候量兒大小分減

胡黃連丸

治小兒疳痢腹痛不止

胡黃連

半兩

沒藥

木香

各貳錢半

右件藥搗羅為末糯米飯和丸如棗豆大每服粥飲下伍丸日三四服量兒大小加減

疳腫脹

治小兒五疳八痢及髮焦黃肚脹手足瘦細

肚上筋脉起指眼鼻涕垂至口咬指甲或下部生

瘡及大小便不通宜此療之

蘆薈

夜明沙炒

蛇蛻灰

黃牛角屑

各壹分蟾酥少許

右為末更入麝香少許煉蜜丸如棗豆大每服叁丸用米飲下服藥間仍用桃柳葉湯浴兒了將青皂衣蓋之更用藥壹丸至貳丸安兒臍中便着醋麵糊與青皂帛貼之候蟲出為度如無蟲但汗出為妙服藥三日後宜減壹丸

治小兒疳氣腹腫有似水氣方

肉豆蔻

壹箇

木香

炮

麝香

朱砂

各壹分

胡黃連

半兩

右為末飯丸麻子大米飲下叁伍丸

莊氏第十八候用此方

吉氏家傳治疳肚如鼓方

蜜陀僧

風化灰

各壹錢

黃丹

半錢

右為末以豬肉炙壹片用藥半錢蘸上與喫如不會喫乳母嚼與

御苑勻氣散

治脾肺氣逆喘咳面浮胸膈痞悶小

便不利

桑白皮

貳兩

淨陳皮

壹兩半

桔梗

炒

甘草

炙

赤茯苓

各壹兩

藿香

半兩

木通

肆兩

薑水煎服

丹後天柱倒

詳腎部天柱倒條

滯氣入陰

漢東王先生家寶治小兒疳氣灌入陰黃

亮色烏金膏

通草

黃皮

大黃

各貳錢

右各燒存性為末每用壹錢豬膽調成膏於陰
上塗如未退煎蛇床子湯洗後再調塗之

虛羸

母氣不足則羸瘦肉極 巢氏論小兒羸瘦不生肌
膚皆為脾胃不和不能飲食故血氣衰弱不能榮於
肌膚也挾熱者即溫壯身熱肌肉微黃其挾冷者即
時時下利唇口青白 小兒經諸大病或驚澗或傷
寒或溫壯而服藥或吐利發汗病差之後氣血尚虛
脾胃猶弱不能傳化穀氣以榮身體故虛羸也 錢
氏虛羸冷者木香丸主之夏月不可服如有證則少
服之熱者胡黃連丸主之冬月不可服如有證則少

服之

虛羸與疳同治也 木 九胡黃連丸見疳條

薛氏云更當審其形

色察其見證如面赤多啼心之虛羸也面青目劓肝

之虛羸也耳前後或耳下結核肝經虛火也頸間肉

裏結核食積虛熱也面黃痞滿脾之虛羸也面白氣

喘肺之虛羸也目睛多白腎之虛羸也仍審相勝而

藥之又寒熱二證不可不辨若腹痛瀉利清白不渴

喜熱此屬寒證雖在夏月宜木香丸身熱煩躁瀉利

焦黃作渴喜冷此屬熱證雖在冬月宜胡黃連丸皆

捨時從證之治法也 錢氏論用藥識證云鄭人齊

郎中者家好收藥散施人其子忽藏熱齊自取青金

三服併一服而餌之服畢至三更瀉五行其子因

睡齊言子睡多亦驚又與青金膏一服又瀉二行加

口乾而身熱齊言尚有微熱未盡又與青金膏其妻

曰用藥十餘行未安莫生病否召錢氏曰已成虛羸

先多煎白朮散時時服之後用香瓜丸十三日愈

散見渴木 瓜丸見汗

薛氏治一小兒十三歲面赤驚悸發熱

形體羸瘦不時面白噯氣下氣時常停食服保和丸

及清熱等藥余曰面赤驚悸心神怯也面白噯氣心

火虛也大便下氣脾氣虛也此皆稟心火虛不能生

脾土之危證前藥在所當禁者不信又服枳朮丸鎮

驚等藥而諸證益甚大便頻數小腹重墜脫肛痰涎
飲食日少余先用六君子湯爲主佐以補心丸月餘
飲食少進痰涎少止又用補中益氣湯送四神而愈
畢姻後病復作墜時至仲冬面白或鰲色手足冷喜
食胡椒薑物腹中不熱脉浮按之微細兩尺微甚乃
用八味丸元氣復而形氣漸充年至二十苦畏風寒
面目赤色發熱吐痰唇舌赤裂食椒薑之物唇口卽
破痰熱愈甚腹中却不熱診其脉或如無或欲絕此
寒氣逼陽於外內真寒而外假熱也仍用八味丸而
諸證頓愈 一 小兒八歲面常青色或時色赤日間

目劄夜睡咬牙二年餘矣服清肝降火之藥益甚形
氣日羸求治於余曰肝主五色入心則赤自入則青
蓋肝屬木而生風故肝氣爲陽爲火肝血爲陰爲水
此稟肝腎精血不足虛火內動陰血益虛虛而生風
風自火出故變面赤目劄等證耳非外風也遂用地
黃丸以滋腎水生肝木兩月目劄咬牙悉止又三月
許諸證尋愈而元氣亦充矣凡肝經之證若肝木實
熱生風而自病或肺金實熱而尅木者宜用清肝降
火之劑以瀉其邪氣若肝經風熱而目直等證用柴
胡梔子散以清肝火加味四物湯以養肝血若腎虛

而咬牙諸證用六君子湯以健脾土六味地黃丸以滋腎水則愈 一 小兒脾氣虛弱飲食停滯發熱作渴服瀉黃散不時下痢余先用保和丸二服而愈但不食惡心面青手冷又用六君柴胡升麻四劑面色痿黃食進手溫惟形體羸甚倦怠發熱小腹重墜肛門脫出用補中益氣湯加半夏肉豆蔻二劑而安凡脾胃之證若發熱作渴飲食喜冷或泄瀉色黃睡不露睛者屬形病俱實宜用瀉黃散疎導之若發熱口乾惡冷或泄瀉色白睡而露睛屬形病俱虛宜用異功散調補之若脾氣下陷者補中益氣湯寒水侮土者益黃散肝木尅脾者六君加柴胡若目睛微動潮熱抽搐吐瀉不食宜用祕旨保脾湯凡小兒諸病先當調補脾胃使根本堅固則諸病自退非藥所能盡祛也 一 小兒五歲形氣虛羸睡中咬牙夜間遺尿日間頻數余以為稟腎氣不足用補中益氣湯加補骨脂地黃丸加鹿茸以補脾腎而痊畢姻後小便頻數作渴發熱日晡益甚恪服黃蘗知母等藥以滋陰降火後患腎痿卧床年許余因考績北上仍用前藥喜其慎疾半載而痊 一 小兒年十一歲面白或赤足軟不能久行用地黃丸加鹿茸年許而瘥畢姻後

兩目羞明兩足仍軟用前丸及補中益氣湯而症後
病復發增口渴足熱頭顙覺開視物覺大此腎虛瞳
人散大而然也服前藥遠房事則愈因不自保終患
腎痿而歿仲陽先生云此證屬腦髓不足不能榮養
宜用地黃丸補之有至七八歲或十四五歲氣血既
盛而自合若縱恣色慾戕賊真陰亦不能盡其壽矣
一小兒形瘦不時咳嗽自用參蘇飲一劑更加喘
急驚搐面白或黃余謂此稟脾肺不足而形氣虛羸
因前劑峻利外邪雖去而肺氣益虛肺虛則宜補脾
先用異功散加桔梗釣藤鈎一劑痰喘頓定乃去桔
梗加半夏當歸再劑驚搐亦去又加酸棗仁治之而
安年十五歲發熱痰盛作渴面赤形體羸瘦用地黃
丸加五味子及補中益氣湯各百餘劑而形氣漸壯
若認爲陰火用黃檗知母等藥復傷生化之源其亦
不治者矣 一小兒五歲尚飲乳耳前後頸間至缺
盆以手推尋其筋結小核如貫珠隱於肌肉之間小
便不調面色青黃形氣羸瘦此稟母之肝火爲患用
丸味蘆薈丸五味異功散加山梔柴胡與兒飲之又
以加味逍遙散與母服之尋愈 一小兒患虛羸耳
出穢水左手尺關洪數而無力余爲清肝補腎耳中

雖愈脉未全斂畢姻後患瘵證誤服黃蘗知母之類復傷元氣不勝寒暑勞役無日不病幾至危殆余大補脾腎滋養元氣而愈 一小兒患證如前肢體消瘦面色痿黃大便酸臭此脾虛食積用四味肥兒丸五味異功散治之而愈 一小兒九歲吞酸惡食肌體消瘦腹中作痛余謂食積虛羸也用保和丸而愈後腹中數痛皆服保和丸余曰此因脾胃虛而飲食所傷也當調補脾土以杜後患不信後腹痛喜按余用五味異功散二劑因未應自用平胃散等藥腹脹作痛余仍以異功散加木香四劑而愈若屢用攻伐之劑陰損元氣多致虛羸慎之

參苓白朮散

方見不乳食

地黃丸

加肉桂壹兩名加減八味丸

治小兒肝經虛熱血燥或風

客淫氣而患瘵癰結核或四肢發搐眼目抽動痰涎上湧又治腎疝腦熱消瘦手足如冷寒熱往來滑瀉肚脹口臭乾渴齒齦潰爛爪黑面鰲遍身兩耳生瘡或兩耳出水或發熱自汗盜汗便血諸血失瘖等證其功不可盡述即六味地黃丸方見腎藏 補中益氣湯 治中氣虛弱體疲食少或發熱煩渴等證

虛

人參

甘草

柴胡各貳分

當歸捌分

右薑棗水煎空心午前服

愚按前方若因藥尅伐元氣虛損惡寒發熱肢體
倦怠飲食少思或兼飲食勞倦頭痛身熱煩躁作
渴脉洪大弦虛或微細軟弱右寸關獨甚者宜用
之凡久病或過服尅伐之劑虧損元氣而虛證悉
具者最宜前湯若母有脾胃不足之證或陰虛內
熱致兒為患者尤宜用之

八珍湯

四物四君合用

錢氏異功散

治脾胃飲食少思吐瀉不食凡虛冷

證先與數服以正胃氣

即五味異功散見吐瀉

愚按前方治脾胃虛弱吐瀉不食或驚搐痰盛或
睡而露睛手足指冷或脾肺虛弱咳嗽吐痰或虛
熱上攻口舌生瘡弄舌流涎若母脾胃虛兒患此
證亦當服之

外臺小品療四五歲兒因食及在胎中宿熱乳母飲
食麤惡辛苦乳汁不起兒哺不為肌膚心腹痞滿
痰黃瘦瘠四肢痿躄繚戾服之令充悅方

芍藥拾分炙

黃耆

鼈甲炙

人參各肆分

柴胡捌分

茯苓陸分

甘草炙

乾薑各貳分如熟以枳實代

右八味搗篩蜜和為丸如大豆服五丸日二服忌

如常法千金有大黃無黃耆服一九一歲以上

乳服三丸七歲兒服十九日二

聖惠黃耆丸 治小兒羸瘦體熱面色痿黃不欲乳

食

黃耆剉

赤芍藥

人參天蘆

甘草炙微

胡黃連各半

麥門冬去心

鼈甲塗醋炙微黃去

柴胡去苗

右件藥搗羅為末鍊蜜和丸如麻子大不計時候

以粥飲下五丸量兒大小以意加減

秦芎丸 治小兒羸瘦體熱心神煩悶小便赤黃

秦芎去苗

桑根白皮剉

枳殼麩炒微

地骨皮

黃耆剉

人參去蘆

赤茯苓

甘草炙微

犀角屑各

龍膽去蘆頭

柴胡參分

右件藥搗羅為末鍊蜜和丸如菽豆大不計時候

用粥飲下五丸更隨兒大小增減

麥門冬丸 治小兒雖食不着肌膚羸瘦骨熱小便

赤黃

麥門冬

去心焙 壹兩

人參

去蘆 頭

黃耆

剉

青蒿子

黃連

去鬚

桑根白皮

剉

枳殼

麩炒微 黃去穰

地骨皮

各半 兩

柴胡

去苗 參分

右件藥搗羅爲末鍊蜜和丸如菉豆大不計時候以熟水研五丸服量兒大小以意加減

燒黃瓜丸

治小兒羸瘦體熱乳食全少

黃瓜

大者 壹枚

陳橘皮

湯浸去 白瓢焙

黃連

去鬚各 半兩

鼈甲

童子小便浸三宿 炙微黃去裙襖

胡黃連

柴胡

去苗各 壹兩

右件藥搗細羅爲散以黃瓜切開頭去瓢內藥末令滿以切下盖子盖之用香麥麩和搜固濟可厚三分於塘灰火內燒令麩焦黃爲度取出去麩放冷入麝香壹錢都研和丸如菉豆大每服食前米飲下七丸更量兒大小以意加減

大黃丸

治小兒胃氣不調不嗜食不生肌肉

大黃

乾地黄

茯苓

當歸

柴胡

杏仁

各參 分

右爲末蜜丸麻子大飲下五丸日進三服

豬肚丸 解小兒肌熱時或泄瀉及有積滯不思飲食肌肉消瘦

鼈甲

壹兩同童子小便并醋共一升熱浸炙盡為度

白朮

薯蕷

各壹兩

胡黃連

人參

去蘆頭

青橘皮

紫苑

去土

桃仁

湯浸去皮尖雙仁

木香

甘草

炙各半兩

柴胡

去蘆頭壹兩壹分

右件藥搗羅為末入在淨豬肚內繫定煮令極爛為度出與藥同杵令黏丸如梧桐子大每服二十丸不計時候溫水飲下

香甲丸

治男子婦人童男室女氣血虛疎肌膚消

瘦百節疼潮作溫五心煩熱四肢逆冷可思飲食

中滿氣滯婦人經血凝澀建脾胃暢神氣充肌膚

澤顏色

柴胡

生乾地黃

京三稜

各叁分

鼈甲

醋煮黃

神麴

杏仁

熟乾地黃

麥蘖

炒各壹兩

牛膝

木香

薑黃

當歸

各半兩

白朮

川芎

各壹分

右為細末白麩糊丸如梧桐子大每服十九空心茶清下或米飲亦得

右八方挾熱者宜之

聖惠訶梨勒散 治小兒羸瘦脾胃氣弱挾於宿食

不欲乳食四肢不和

訶梨勒皮

陳橘皮

湯浸去白瓢焙各半兩

黃耆

人參

去蘆頭

白朮

藿香

桂心

白茯苓

各壹分

甘草

炙微赤剉半分

右件藥搗麤羅為散每服一錢以水一小盞入生

薑少許棗一枚煎至五分去滓溫服日三四服量

兒大小以意加減

溫脾散 治小兒脾氣不和食少無力肌膚羸瘦

訶梨勒皮

人參

去蘆頭各參分

白朮

木香

黃耆

剉

白茯苓

藿香

陳橘皮

湯浸去白瓢焙

桔梗

去蘆頭各半兩

甘草

炙微赤剉壹分

右件藥搗麤羅為散每服一錢以水一小盞入生

薑少許棗一枚煎至五分去滓不計時候量兒大

小增減溫服

五香煎 治小兒脾胃久虛喫食減少四肢羸瘦

丁香

沉香

木香

藿香

白朮

各壹兩

麝香

叁錢細研入

白茯苓

陳橘皮

湯浸去白瓢焙

黃耆

剉各壹兩

訶梨勒皮

甘草

炙微赤剉各半兩

右件藥搗篩為散以水五升慢火煎至一升以布絞汁却入鍋內煎麝香及蜜三合生薑汁半合棗肉二十枚慢火熬成煎每服以粥飲調下半茶匙量兒大小以意加減

右三方挾冷者宜之

湯氏云小兒疳積其狀漸黃瘦拍背如鼓鳴脊骨如鋸乃積而生熱成疳也宜服盧薈丸露星膏

盧薈丸

龍膽草

黃連

蕪荑

去皮先炒黃色次入

前二味一處炒赤色各壹兩

右為末另入盧薈壹分和勻爛飯丸如黍米大三歲兒服三十九空心米飲送下

露星膏

黃耆

蜜水炙

胡黃連

地骨皮

柴胡

各等分

右為末煉蜜丸如芡實大隔宿酒浸露一宿次日澄去酒薄荷湯浸服之

虛羸 卷八 五

錢氏橘連丸 治疳瘦久服消食和氣長肌肉

橘皮 壹兩 黃連 米泔浸一宿壹兩半

右為細末另研入麝香五分用豬膽七箇分藥入

膽內漿水煮候臨熟以針微刺破以熟為度煮粟

米粥和丸如菉豆大每服十九至三十九丸米飲

下量兒加減無時海藏云黃連苦燥可

一聖丸 治小兒藏府或好或瀉久不愈羸瘦宜常

服

黃連 去鬚 黃蘗 去麤皮 各壹兩

右為細末入豬膽內重湯煮熟丸如菉豆大每服

一三十九丸米飲下量兒加減頻服無妨

張渙金粟丹 方見內疳條

香蟾丹 治肌瘦面黃胸高脚細

乾蟾 伍枚水浸去骨用瓦藏餅壹枚頂頭上取

子以煙息為度取出 胡黃連 貳兩

地上放一宿出火毒 地龍 牛兩 天竺黃

蛇蛻皮 壹兩 地龍 牛兩 朱砂 牛兩

蟬殼 各壹分已上並 麝香 壹分

右件都一處研勻糯米餅和如黍米大每服十粒

米飲下不拘時候量兒大小加減

五七 卷八 五

萬全方雷丸丹 治小兒一切疳肚脹腹滿手脚枯
細眼目口鼻生瘡身體壯熱痢下泄澀日漸羸瘦
面無光澤

雷丸 生

鶴蝮 生

史君子 去殼

胡黃連 微炒

蘆薈 研各半兩

麝香 半錢研入

蟾蜍 壹枚酒浸一宿慢火炙熟去皮足骨焙

木香

肉豆蔻 各壹分

蕪荑 壹兩去皮微炒研入

朱砂 貳錢研留少許為衣

右件藥搗羅為末研合令勻用豬膽四箇取汁
傾入瓷盞中外以重湯煮過和杵為丸如黍米大
每服五丸至七丸麥門冬熟水下早晨日午空心

臨臥服

孔氏神聖丸 肥小兒疳藥常服永無腸藏之疾

胡黃連 去皮

宣連 去毛

白蕪荑 去皮

木香

蘆薈 各壹錢

史君子 貳拾枚

右除蘆薈一味外五味銀器內用豬膽汁熬成膏
後入蘆薈同丸如菉豆大每服五七粒空心日午
臨臥米湯下神效

豬肚丸 治小兒疳熱而瘦

柴胡

黃連

秦艽 各壹兩淨

蕪荑

貳兩用瓦上煨乾去殼取肉別為末臨時入用

右用豬肚一箇中庸者破開淨洗入前藥三味末於內以酒半餅童子小便一升煮乾春令得所放蕪荑末又春勻丸如桐子大每服二十九飲下
王氏手集治小兒疳瘦大人五勞七傷方

宣黃連

半斤去鬚及蘆頭為細末黃連末糲在內縫合於三斗米內蒸以米蕪軟為度

積豬肚

壹箇去脂膜將

右件取出爛研丸如粟米大風乾隨兒大小加減日三服三歲兒每服五七丸至十丸大人服如桐子大每服二十九空心米飲下

趙氏斧槌丸 治小兒疳久服肥白

乾蝦蟆

壹枚

白礬

膽礬

綠礬

各半兩肆味同入礬子內炭火燒礬枯為度

雞爪三稜

京三稜

石三稜

雷丸

草薺

黑狗脊

木香

淡蕪荑

史君子

拾枚

沒石子

右為末醋煮乾棗取肉爛研入少麵糊和藥極熟

丸如菉豆大每服柒丸米飲下

玉拄杖散 治小兒疳瘦

黃芪

貳兩

白茯苓

半兩

虛脫

刀斗

人參

白朮 各壹兩

右為末以水壹盞藥壹錢煎柒分溫服

蘆薈丸 治小兒諸疳羸瘦不生肌肉

蘆薈 木香 紅芍藥

沒石子 各半兩 史君子 去殼

胡黃連 各貳錢半

肉豆蔻 貳錢 人參 壹錢

右為細末入麝香半錢別研令細與藥拌勻蜜水

打麵糊為丸每服拾伍丸米飲下空心食前服

吉益益兒丸 治小兒一切疳瘦夜多盜汗肌肉熱

人參 白朮 茯苓

柴胡 去苗 甘草 炙 陳皮 去白

鼈甲 醋炙去 京三稜 濕紙裏煨香

右細末煉蜜圓如雞頭實大每服壹丸米飲化食

前日三服

朱氏家傳肥兒丸

白蕪荑 去殼 黃連 去鬚 神麩

麥蘖 各等分

右為末用豬膽煮糊圓如大麻子大每服叁丸

丸食前米飲下張氏家傳莊氏家傳方皆同或治

疳積或治疳瘦

六味肥兒丸 治疳多因缺乳食肉太早或患臟腑
胃虛療諸般疳化蟲治黃瘦肚急消疳退疳熱可
常服

黃連

局方加肉豆蔻

陳皮

去白局方去此用木香

神麩

炒局方有史君子

麥蘖

炒各壹兩局方加三稜蓬朮

川棟肉

壹兩炒

白蕪荑

半兩局方去此用檳榔

右為末神麩糊丸麻子大每服叁拾丸空心米飲
吞下 薛按前方又治脾疳飲食少思肌肉消瘦
肚大頸細髮稀成穗項間結核發熱作渴精神倦
怠大便酸臭嗜食泥土或口鼻頭生瘡吐見青筋

齧齒下利便白五疳用此丸加乾蟾壹兩蘆薈伍

錢尤妙

秘方肥兒丸 消疳進食

黃連

伍錢

木香

壹錢

神麩

麥蘖

各壹兩並炒

史君肉

煨

肉豆蔻

麵裹煨各伍錢

檳榔

壹枚

蝦蟇

壹箇

白朮

壹兩

右為末麵糊丸如粟米大空心米飲下量兒加減
朱氏家傳治小兒脾疼疳瘦驚積方

右用黃蘗壹箇去瓢用黃連末填滿蒸爛取出
用杵硝末壹錢蓋頭臨夜方取然後露一宿研爛

為丸如小菉豆大每服伍丸熟水下

潔古云小兒疳病肌瘦血氣不足同大人勞瘵之疾治之按以潔古此論詳之不拘冷熱虛羸皆用四君子地黃丸與前藥相兼服為得也然有胸膈積痰不受參朮地黃之補者先川清滯取積之藥然後補劑可施故備載諸方以俟採擇誠以病之變態多端非執一隅可以御百變若看方三年無病不治者鮮不以為繁雜矣

羸瘦不生肌膚

胃脘灸壹壯

田小兒疳瘦於胷下骨尖上灸參壯次於脊下端尾

翠骨尾上灸參壯

小兒疳瘦脫肛體瘦渴飲形容瘦悴諸方不瘥者取尾翠骨上三寸骨陷中灸參壯

小兒身羸瘦黃豚腹腫四肢懈惰肩背不舉章門二穴各灸柒壯九加鹿茸牛膝

地黃丸 治頭顛不合體瘦骨露有如鶴膝皆腎虛

不足并治腎疳天柱頭側腎主骨也

熟地黃丸 澤瀉丸 牡丹皮丸

治之 按以潔古此論言之不拘冷熱虛虛皆用四
君之地黃丸與前藥相兼服為得也然有胸膈積滯
不食參朮地黃之類者先用消滯取積之藥然後補
次各參朮半 載前方以次採擇以病之變態多端
小兒其羸瘦黃瘦則用四君補骨背不舉章門二
車琴骨上三十骨節中參朮
小兒其瘦弱則用蠶更醫者汗容更利諸寸不熟法用
琴骨或土參參朮下骨尖上參參壯次於脊下端

鶴節

湯氏云小兒鶴節由稟賦不足血氣不榮肌肉瘦瘠
則骨節皆露如鶴之足皆腎虛不生骨髓之故治法
宜錢氏地黃丸加鹿茸牛膝

地黃丸 治頭顛不合體瘦骨露有如鶴膝皆腎虛
不足并治腎疝天柱傾倒腎主骨也

熟地黃

洗焙
捌錢

澤瀉

洗貳
錢

牡丹皮

去心

白茯苓

各叁
錢

山茱萸肉

牛膝

鹿茸

酥炙

山藥

各肆
錢

鶴節

刀針

百三

大如有青筋見卽曰疝脹也如無青筋乃名丁奚是因過飽傷食而得之曾丁奚者亦久積成疝之證皆因飲食過傷於脾胃脾胃虛不能磨化飲食飲食漸減無以生其氣血面色慘潮熱往來腹大而多青筋手足如筒顙顙開解頸項小而身黃瘦先投萬應丸通治五疝次參苓白朮散不乳食早晨一服與養胃氣及醞醜散進食食後下烏犀丸積三粒至五粒助脾化食此卽用迎奪之法間投醒脾散慢驚沉香檳榔丸木香莪朮丸宿食次第調理有渴瀉腹痛千金膏自好若脾氣稍和飲食漸進再以化癖丸積快活丸常服或用烏犀丸略下二三行勻氣散疝止補有寒

熱往來柴胡飲疝熱主之腹脹投南星腹皮散水腫有餘熱麥芽柳枝煎湯調三解散潮熱有蟲下史君

子丸腹痛斯疾得之非一朝一夕然施治之法亦須

漸漸令其平復欲求速効則難矣凡雞酒羊麪魚鮓

甘甜生冷毒物宜忌之

十全丹 治丁奚嘔露神効

檳榔 枳殼麩炒 青皮 陳皮 三稜炒 蓬朮炒 砂仁各半兩 丁香 木香各壹分

香附 壹兩

右為末神麩糊丸如黍米大空心食前米飲下百
丸一方去香附砂仁丁香三稜枳殼加五靈脂白
蔻史君子蘆薈蝦蟇川芎

醍醐散 治吐瀉後調和脾胃消進飲食及丁奚嘔
露虛熱煩渴氣逆心惡

陳皮 去白

縮砂仁

厚朴 去麩皮剉

一宿慢
火焙乾

麥芽 洗淨
焙乾

烏梅 和核各
伍錢

良薑 剉東壁
土炒

乾葛

烏藥 各貳
錢半

草菓仁 炮貳
錢

甘草 炙參
錢

右碎每服二錢水一盞薑二片棗一枚鹽少許煎
七分空心溫服

快活丸 治丁奚疔證皮膚瘦削骨露如柴肚大青

筋小便白濁睡卧煩躁神氣昏沉常服健脾化積

進食肥肌

蒸餅 壹兩去頂剉空入青礬半錢重仍以碎餅
屑緊塞上用木紙紙封定灰火中炮透取出

候冷
用之

右件剉焙為末別以肥棗用米泔水浸經一宿飯
上蒸少時去皮核用乳鉢爛杵如糊同前餅末亭
分再杵勻丸麻仁大每服三十九至五十九溫米

清湯無時送下兒小者亦以米湯化服其蒸餅不
拘箇數大約以壹兩入青礬半錢重為定下常如
前法製半斤作一料後人切勿以見方不重藥為
誤余嘗屢試屢驗其餅如南饅頭樣者是也
聖惠赤芍藥丸 治小兒丁奚雖食不生肌肉腹大
食不消化

赤芍藥

川大黃

微炒

鼈甲

醋塗炙令黃去裙襴

桂心

赤茯苓

柴胡 去苗各

右件藥搗羅為末鍊蜜和丸如麻子大每服煎蜜

湯下五丸日三服

嬰孺芍藥丸 治小兒百病有寒熱大腹食不消化
不生肌肉痿痺

芍藥

茯苓

大黃

各伍分

柴胡 肆分

鼈甲

叁分

桂心

貳分

人參 壹分

方貳分

右為末蜜丸三歲已下服三小豆大不知加之七
八歲三桐子大不知加之苦腹堅大者加鼈甲壹
分渴者加蘇蘇貳分病甚者服二十日効已試大
良一方有杏仁貳兩人參叁分

張渙大麝香丹 治小兒羸瘦腹大見青筋及丁奚等病

麝香 研

朱砂 細研 水飛

粉霜 研各 半兩

五靈脂

肉豆蔻仁

乾蟾 塗酥炙 各壹兩

夜明砂

白礬灰 各半 兩

乾地龍 炒壹 分

乾蟪 柴箇去殼 炙令黃熟

右件搗羅為末與朱砂等同研勻細煉蜜和如黍米大每服三粒至五粒溫水下量兒大小加減服之

初虞世治小兒腹如蜘蛛四肢瘦者用黑骨雞子破

頂入蜘蛛壹枚於內以濕紙糊竅用文武火煨熟去蜘蛛食其雞子累効必數枚方愈

肘後方搗生薤根以豬脂煎稍稍服不或熟炙鼠肉拍哺之亦治哺露羸露吸吸苦熱謂之哺露也宜麝香進食丸 方見

曾哺露者亦由乳哺不節積於脾胃脾胃損而飲食減形容羸瘦則藏府之氣不能宣通時聞有熱謂之哺露此候與丁奚相去不遠但食多吐逆藏氣虛冷

丁亥
公和
夏

麝香

朱砂

粉霜

五靈脂

肉豆蔻仁

乾蟾

夜明砂

白礬灰

乾地龍

乾蟻

節之末端與朱砂等同研勻細煉蜜和如黍

批發太甜中蕪味以滌瓶煎漆漆瓶兒在藥釜鼠肉

去吻糍食其蟻子累咬必瘦外愈

凡人地刺壹枚內以熱絲縫用文火炙熱

哺露

湯哺露者因乳哺不消脾胃衰弱漸不能食血氣減

損肌肉不榮柴骨羸露吸吸苦熱謂之哺露也宜麝

香進食丸

方見積癖

曾哺露者亦由乳哺不節損於脾胃脾胃損而飲食

減形容羸瘦則藏府之氣不能宣通時有熱謂之

哺露此候與丁亥相去不遠但食多吐逆藏氣虛冷

而泄瀉無度糞中有蟲治法同前丁亥證藥惟加養

藏湯服之

方見赤白痢

哺露

方十八

百七

聖惠人參丸 治小兒哺露失衣當風濕冷水浴苦
腹大時痢或寒熱如瘧不欲食縱食不生肌肉或
不消化四肢羸瘦

人參

麥門冬

去心

半夏

湯洗七遍去滑

黃耆

川大黃

微炒

白茯苓

柴胡

黃芩

各參分

訶梨勒

煨用皮

甘草

炙微赤到

鼈甲

塗醋炙令黃去裙襴各壹兩

芎藭

牛兩

在件藥搗羅為末鍊蜜丸如麻子大一二歲兒以
粥飲下三九四五歲五九日三服量大小加減

宿食

食積寒熱 痢

傷寒論人病有宿食何以別之師曰寸口脉浮而大
按之反澀故知有宿食當下之宜大承氣湯傷寒然
同一發熱而傷食者惟肚腹之熱為甚且糞極酸臭
夜間潮熱尤傷積之明驗也 小兒宿食不消者胃
納水穀而脾化之兒幼不知搏節胃之所納脾氣不
足以勝之故不消也神麩麥芽之屬皆腐化之物昔
賢已謂能傷胃中生發之氣矣况進而三稜莪朮乎
况又進而牽牛大黃巴豆乎脾氣一受傷於食再受

傷於藥至於下之而氣已一脫矣所存幾何故夫尅食之藥不可多用下積之藥尤不可不審其證之可下與不得不下而後用也 錢氏論食不消脾胃冷故不能消化當補脾益黃散主之

保和丸 治飲食停滯胸膈痞滿噯氣吞酸或吐瀉

腹痛加白木壹兩

神麩炒

山查

半夏

茯苓各壹兩

陳皮

連翹

蘿蔔子炒伍錢

右為末粥丸桐子大每服三十九白湯送下

愚按前方行氣尅滯之劑若元氣無虧驟停乳食而致斯證者宜用此消導之若元氣虛弱而乳食所傷者必調補胃氣為主而佐以消導若乳食已消而作嘔者乃胃氣被傷當用異功散補之不宜仍用前藥重損胃氣治者審之

木香大安丸

木香貳錢

黃連

陳皮

白朮各叁錢

枳實

山查肉

萊菔子炒

連翹

神麩炒

麥蘖炒

砂仁各壹錢半

右為末神麩糊為丸陳廩米湯下

消食丸又名消乳丸

治宿食不消

砂仁

陳皮炒

三稜炒

神麩炒

麥芽炒各半兩

香附炒壹兩

右末麩糊丸如麻子大食後白湯送下大小加減

七聖丸

三稜

蓬朮

川棟

青皮

陳皮

芫花

杏仁

右件等分先用醋浸芫花一宿炒漸乾次入蓬朮

同炒赤色又入陳練等再同炒一處令微焦取出

為末前藥如各半兩杏仁亦用半兩湯浸去皮尖

雙仁不用細研入巴豆二十粒去油和勻醋糊丸

如黍米大一歲兒常服二丸臨卧温熱湯送下使

日間所殮之物一夜而化永無疳疾能使黃瘦子

頓作化生兒今之小兒可去巴豆只入杏仁名七

聖丸是也

三稜散

主諸般停滯疳積發熱瀉痢酸醜水穀不

化常服和脾胃進飲食長肌肉益神氣

人參去蘆柒錢半

三稜炮剉

淨香附各壹兩半

宿食

宿食

宿食

青皮 去白

益智仁

陳皮 去白

枳殼 去穰剉片麩炒

神麩 炒

穀芽 洗焙

半夏 製

莪朮 醋煮透瀝乾剉焙

大黃 半生半炮

紫蘇 去老梗各半兩

甘草 半生半炙壹兩貳錢

右碎每服二錢水一盞薑三片倉米百粒煎七分

無時溫服氣虛者加白茯苓壹兩

莪朮丸 和脾益胃消進飲食寬膈快氣悅色清神

莪朮 炮制

三稜 炮制

淨香附 三味各肆兩醇

醋浸七日慢火煮乾再焙

檳榔 壹兩薄剉

生牽牛末 壹兩另研

青木香 法蘆

穀芽 淨洗焙乾

青皮 去白各半兩

葶澄茄

丁香

南木香 各肆錢

右除檳榔丁香木香不過火及牽牛末餘七味剉

焙仍同檳榔木香丁香為末臨入牽牛末和勻水

煮麵糊丸菜豆大每服三十九至五十九無時用

淡薑湯下溫茶溫酒皆好兒小者丸粟米大粒數

下法如前

丁香脾積丸

三稜 煨去皮毛

莪朮 去皮炒

神麩 炒各柒錢

青皮

巴豆霜

小蘘香 炒

陳皮 各伍錢

丁香

木香 各叁錢

宿食

宿食

宿食

右為細末醋調神麩糊為丸如菉豆大每服五七
丸生薑湯下

三黃枳朮丸 治傷肉濕麩辛辣味厚之物致填塞

悶亂不快

枳實 麩炒 伍錢

黃連 酒浸 炒

大黃 濕紙 裹煨

白朮 各壹 兩

黃芩 伍錢

右為末湯浸蒸餅為丸如菉豆大每服五十九白
湯下臨時量所傷多少加減服之

聖惠訶梨勒散 治小兒宿食不化少欲飲食四肢
消瘦腹脇多脹

訶梨勒皮 叁分 人參

白朮

麥蘖 炒令 微黃

陳橘皮 去白

檳榔 各半 兩

甘草 壹分炙 微赤

右件藥搗麩羅為散每服一錢以水一小盞煎至
五分去滓量兒大小分減溫服日四五服

朱氏木香丸 治小兒氣開胃進食

木香 人參

白茯苓

青皮 陳皮

肉豆蔻 各壹 分

三稜 壹兩 炮

右為末麩糊丸麻子大每服十九薑湯下

宿食 朱氏洗心散 治小兒乳食傷心作壯熱喘息不調

咳嗽多睡

甘草 壹錢 生

麥門冬 壹分 半

皂角 半兩入沙 糖塗酥炙

後於盆下蓋良 久出火毒方用

右爛杵不羅每服二錢水一盞煎至八分作五服

時時喫

養脾丸

人參

白朮

當歸

川芎 各壹 錢半

木香

青皮

黃連

陳皮 各壹 錢

砂仁

山查肉

神麴 炒

麥芽 炒各 伍分

右為細末水調神麴糊丸如麻子大每服三五十

丸陳倉米飲下

食積寒熱 薛小兒食積者因脾胃虛寒乳食不化久

而成積其證至夜發熱天明復涼腹痛膨脹嘔吐吞

酸足冷肚熱喜睡神昏大便酸臭是也有前證而兼

寒熱者名曰食積寒熱若食在胃之上口者吐之胃

之下口者消之腹痛痞脹按之益痛者下之下後仍

痛按之則止者補之夾食傷寒者先散之用參蘇飲

熱甚便秘者先利之用大柴胡湯如無外感但只傷

食不至於甚保和丸調之蓋脾為至陰之藏也故凡脾病者至夜必熱熱而兼寒則又見所勝者侮所不勝矣食未消者消之則寒熱自止食既消者補之則寒熱自痊若手足並冷喜熱飲食此中州虛寒也宜溫之大便欲去不去脾氣下陷也宜升之若夜間或侵晨泄瀉者脾腎俱虛也用四神丸瀉手足並熱作渴飲水者脾胃實熱也用瀉黃散脾大便秘結用大柴胡湯潮熱手足雖熱口不作渴大便不實者用白朮散瀉仍參腹痛腹脹積痛積滯治之

食積 曾有食飽傷脾脾氣稍虛物難消化留而成

積積敗為痢腹肚微痛先調胃氣次理積却止痢則

病根自除和中散吐瀉理虛養胃三稜散見前烏犀

丸積助脾化積沉香檳榔丸積守中湯瀉進食止痢

仍忌生冷粘膩等物不致復作行藏府不能宣通由

千金治小兒食不知饑飽方貴之證也時或發為

吐用鼠屎二七枚燒為末服之小兒痞結難服湯藥

時暫得利而滯實不去心下堅脹按之即痛內有伏

熱諸候併成此疾宜疎利大便破結散氣後宜常服

勝矣食未消者消之則寒熱自止食既消者補之則
寒熱自痊若手足並冷者飲食此中州虛寒也宜
用鼠屎二小升熱為末粥之也宜升之若夜間或
千金散小兒食不吐難消或四神丸手足並熱作
吐忌坐令吐瀉等症不妊神丹散大便秘結用大

共計如呷小蘇武香蘇蘇小蘇守中散蘇食土麻
蘇淋白刺味中蜡世醫蘇養胃三蘇蜡見前急軍
蘇蘇頰為麻煎吐蘇蘇蘇胃蘇大蘇蘇住五蘇頰

痞結

此痞在腹內與心下之痞不同

楊痞者塞也結者實也熱氣蘊於胸膈之間留飲聚
於腹脇之內於是榮衛不能流行藏府不能宣通由
脹滿而致痞結勢使然耳此熱實之證也時或發為
壯熱聖惠甘遂散主之此藥治小兒痞結雖服湯藥
時暫得利而滯實不去心下堅脹按之即啼內有伏
熱諸候併成此疾宜疎利大便破結散氣後宜常服
進食丸按進食丸有巴豆豈宜常服甘遂有大毒
瀉水如決江河非十分壯實十分危急十分水氣三

者俱備未可輕用今以為痞結主方謬矣薛痞癖
既久飲食減少脾氣必虛久而不愈必先以固胃氣
為主使養正則積自除若欲直攻其結不惟不能善
消抑亦損其脾土脾土既虧必變證百出矣當參各
類及隨見證而主治之 一 小兒患痞癖服檳榔蓬
朮枳實黃連之類痞益甚余曰此脾經血虛痞也不
可尅伐遂用六君子加當歸數劑胃氣漸復諸證漸
愈乃朝用異功散加升麻柴胡夕用異功散加當歸
芍藥而愈 一 小兒患痞結服尅滯之藥余謂屬形
病俱虛當補中氣彼不信仍行尅伐遂致虛火上炎
齒齩蝕爛頷下結核余用大蕪荑湯及異功散加減
用之而安 一 小兒患痞結久而四肢消瘦肚腹漸
大寒熱嗜卧作渴引飲用白朮散為主佐以四味肥
兒丸月餘諸證漸愈又以異功散加當歸并六味地
黃丸又月餘而愈 一 小兒患痞結身熱如火病狀
多端不可盡述朝用五味異功散夕用四味肥兒丸
月餘諸證稍愈佐以地黃丸自能行立遂朝用地黃
丸夕用異功散及蝦蟇丸數服而愈

聖惠前胡散 治小兒腹內痞結壯熱羸瘦多啼

前胡

川大黃

各參分
微炒

枳殼

炒微黃

赤茯苓

犀角 屑

郁李仁

湯浸去皮微炒

鼈甲

塗醋炙令黃去裙襴各半兩

右件藥搗麤羅為散每服一錢以水一小盞煎至五分去滓看兒大小分減溫服微利為度

聖惠甘遂破結散

甘遂

煨貳錢半

青皮

浸去白焙

黃芩

川大黃

剉細煨各半兩

右為麤末每服一錢水一小盞煎至六分去滓溫
和服量大小加減得通利則止後以冷粥補之

進食丸 治乳食不消心腹脹滿壯熱喘麤嘔吐痰

逆腹鳴泄瀉米穀不化或下痢赤白腹痛後重及
食癥乳癖疝氣痞結並皆治之小兒胸膈熱實腹
內有留飲致令榮衛痞塞腑臟之氣不得宣通其
病腹內氣結脹滿或壯熱是凡有此疾當疎利大
便破結散氣

巴豆霜

壹錢

當歸

米泔浸一宿炒

硃砂

代赭石

煨醋淬七次

枳殼

炒

木香

各半兩

麝香

少許

右為末麪糊為丸如麻子大一歲兒一丸溫米飲
下更量虛實加減食後服治食積發熱羸瘦肚大

青筋疝積壯疼哺露

湯戶部張侍郎小娘子患此蘊積結聚已經年矣其候腹滿壯熱大小便閉不食諸醫皆作虛熱潮熱或作胃寒不食治然既不食大小便自然少又欲作疝熱治百藥俱試而無一中勢已窘迫招予視之問曰合服何藥答曰當服甘遂大黃張驚駭曰前諸醫者皆用補劑此女不進食久矣不宜利動腸胃予答曰信我者生逆我者死張曰更有無甘遂而次於此藥方者可否予令即服大承氣湯二服而愈次日診之尚有餘滯積實其證必過數日而腹閉須服前藥始可除根數日後果再閉腹滿痞結再投此藥一服而痊

右疎利大便例形氣俱實者宜之

枳木丸

白朮

肆兩

枳實

貳兩

右為末荷葉包煨爛飯為丸桐子大每服四五十丸空心白滾湯下

枳實理中丸

枳實

拾陸片
麩炒

茯苓

人參

白朮

乾薑

炮

甘草

炙各
貳兩

右為末煉蜜和丸如龍眼大每服一丸熱湯化下
連進二三服胸中豁然渴者加栝蒌根壹兩自汗
者加牡蠣貳兩煨過下利亦加

快膈湯 理胸膈不快飲食少進亦能順氣和中消
導宿滯

人參 去蘆

青皮 去白

縮砂仁

烏藥

良薑 製

香附子

甘草 炙各壹兩

為細末每一錢溫鹽湯空心調服

參朮陷胸湯

人參

白朮

茯苓

橘紅

半夏 各壹錢

瓜蒌 全用細切帶濕叁錢

黃連

半夏 各伍分

黃連 生家寶小甘草分

右用水一鍾半生薑三片棗一箇煎七分溫服

潔古云飲食不進四君子加薑棗煎

其膈則脾不磨上面作腫若病後此證則是虛
中積宜用芩連消積行氣等藥
面合地神是積何
以合地其受積在脾是冷積何以知之其脾好生痰

老加牡蠣或兩殼過下利亦加
快膈湯 理胸膈不快飲食少進亦能順氣和中消

蒸古法增食不眠四香中咀薑棗煎細砂仁

古甲木一錢半生薑三片棗一箇煎少令服

黃蘗 甘草

蘇珠 錢溫 半夏 瓜蒌 瓜蒌 瓜蒌 瓜蒌

入參 白木 芥末

積

漢東王先生家寶小兒積病可醫者九 面上虛腫
是積積若是脾之所係脾主身之肌肉故應面故知
是脾積其脾係土土無正形故早晚浮腫不定多則
早浮其睡則脾不磨上面作腫若病後此證則是虛
中積宜用調脾消積行氣等藥 面合地即是積何
以合地其受積在脾是冷積何以知之其脾好土故
知在脾其冷者屬陰故知傷冷硬食得之宜下熱積
氣藥耳 腹脹是積其積在肺何以知之其肺主於

刀

氣纔當受積其氣便冷腹脹滿氣急故知在肺如腹
脹先宜調氣後轉轉後更宜調氣小便如油是積
其積在小腸何以知之其積受於脾脾當傳心心不
受觸則入小腸小腸是心之腑故知在小腸則節其
水道小便如米泔油相似也髮黃是積是積氣傷
心心主血脉蒸遍身毛髮被積氣所干則髮黃故知
是積傷心宜下空心散及取積藥此人必時復發熱
也赤白痢是積其積在肺受傳大腸及有外傷冷
而得何以知之其肺主西方庚辛金其色白後赤則
是外邪故知肺傳大腸則爲赤白痢也宜取後調氣

兩眼黃赤睛青是積其積在肝何以知之肝主東
方甲乙木色青却被積氣所干卽黃赤睛青者眼屬
五藏肝是其主脾若受積故令眼睛青是肝受積若
傳膽其人口苦不要喫物宜涼藥退之遍身虛腫
是積其積不在藏只在府何以知之爲其積曾取後
被藥發動卽不在藏故出皮膚之間爲腫也只宜下
取虛中積藥然後補之多瀉白糞是積是受冷積
在脾何以知之脾主化受冷積在脾冷滑而瀉白糞
故知在脾宜先轉後熱藥補之積病不可醫者六
喘急是肺積肺主氣其喘急則肺絕其人當面白

全無血色故不可醫也。面黑是腎積其人面黑者
是腎絕也人當不辨好惡眼直無光只得一日而死
也。吐熱氣是榮積其不醫者是血絕不可治也血
主心心不能管故出熱氣不止耳。手脚心生瘡是
衛積衛者氣也胃氣不生故手足生瘡若衛絕則氣
不回只得半日也。惡心吐乾嘔是胃積何以不醫
胃主化食其胃熱則惡吐故不治其人必食乳不化
不食亦乾吐嘔面色青黃無血色也。瀉久住又瀉
是積咬脾爛何以知其脾爛其人當瀉白糞為食不
消住了却放糞赤黑而死即知脾爛不可治。

寶鑑論小兒五積為藏氣不行蓄積一處不動故曰
積夫心為伏梁在臍上上攻其心下攻胃口脾為痞
氣在胃口上橫之肝為肥氣在臍之左邊肺為息賁
在臍之右畔腎為賁豚在臍下各有變動非食之所
成乃氣積也藏屬陰故在一處而不動也。聚謂六
府之氣留聚也府屬陽陽氣運轉不停故其聚不定
一處發而腹痛積聚之候皆面黃瘦劣咳唾不生肌
肉髮立或肌體浮腫腹急多困多為水氣。
真珠囊虛中積候凡驚中虛積者謂因驚取復驚發
動是也所下糞青穢凡虛中有積者因傷食而瀉又

利
吐如此漸虛其病未差故曰虛積也又虛中之積有積而頻頻取轉却取轉不着致其積尚伏故亦曰虛中積若驚積取下則糞隨驚青如是食積即糞成塊子凡疳中虛積者因疳病轉瀉虛而疳不退故虛中爾所取下糞裏白色也

凡嬰孩所患積證皆因乳哺不節過餐生冷堅硬之物脾胃不能消化積停中脘外為風寒所襲或因夜卧失蓋致頭疼面黃身熱眼胞微腫腹痛膨脹足冷肚熱喜睡神昏飲食不思或嘔或噦口噫酸氣大便溲黃或為陳積所傷如覺一二日先以百傷飲外

感
發表次當歸散

潮熱

水薑煎服

溫動積滯方下烏

犀丸六聖丸重與寬利後用勻氣散

疝調補

湯凡

有積滯須辨虛實况孩兒虛瘦長短黑白南北古今

不同不可一槩論也予今之法實者可服進食丸虛

而微白及疳瘦者宜服肥兒丸

即三日肥兒丸見腹脹條

薛初

患元氣未損之時或腹脹作痛大小便不利者先用

白餅子或木香檳榔丸下之下後以白朮散或五味

異功散和之渴加乾葛吐加半夏下而熱不退或作

嘔作瀉飲食不思此脾胃俱傷也用六君子湯手足

指冷喜飲熱湯此脾胃虛寒也前方加炮薑木香面

色黃白目無精光脾肺俱虛也用四君子加柴胡升
麻腹痛泄利下重或小便不利者用四逆散發熱嘔
熱或瀉未已脾氣下陷也潮熱口渴大便不調欲變
疴證也並用補中益氣湯佐以肥兒丸經云邪之所
湊其氣必虛留而不去其病乃實必以調脾為主而
以消導佐之古人所謂養正積自除正此意也
千金紫雙丸 治小兒身熱頭痛食飲不消腹中脹
赤或小便絞痛大小便不利或重下數起小兒無
事或疾惟飲食過度不知自止哺乳失節或驚悸寒
熱未光丸治之不差更可重服小兒欲下是其蒸

候哺食減少氣息不快夜啼不眠是腹內不調悉

宜用此丸不用他藥數用神驗千金不傳方臣億等詳

序例中凡云服紫丸者即前變蒸篇中四味者是也云服紫丸不下者服赤丸赤丸差駛病重當用之方中並無赤丸而此用朱砂者又方緊於紫丸疑此即赤丸也

巴豆 去皮 蕤核仁 去皮各拾捌銖 甘草 炙伍銖

牡蠣 火燉 黃蠟 各捌銖 甘遂

朱砂 各貳銖 麥門冬 去心拾銖

右八味以湯熟洗巴豆研新布絞去油別擣甘艸
甘遂牡蠣麥門冬下篩訖研蕤核仁令極熟乃內
散更擣二千杵藥燥不能相丸更入少蜜足之半

積
歲兒服如荏子壹雙一歲二歲兒服如半麻子壹
雙三四歲者服如麻子貳丸五六歲者服如麻子
大貳丸七歲八歲服如小豆貳丸九歲十歲微大
於小豆貳丸常以雞鳴時服之至日出時不下者
投粥飲數合卽下丸皆雙出也下甚者飲以冷粥
卽止

茅先生青金丹 小兒諸積病悉主之

滑石 末

白丁香 羅過

天南星 各貳錢七

青黛 羅過平錢 輕粉 重貳錢

水銀 秤貳錢先以錫貳錢於銅銚內鎔化

川巴豆 去皮心膜米拾貳箇無缺損者并華水浸壹宿懸當風處吹乾爛研

右前件藥同拌合用軟飯為丸如小菘豆大巴豆
不出油依形證用湯使下 傷寒後取積淡煎葱
湯吞下取疳蟲用牛肉炙汁下驚風肚中緊硬面
青黑金銀薄荷葱湯吞下因傷看肚中及腹皮上
微熱肚脹夜間作熱似疳又不是疳面青黃色眼
微黃此腹中有積用皂角子貳柒粒灰火煨過用
水壹盞煎至半盞下有積作瀉魚鮮湯下氣積炒
懷香湯下凡下此藥周歲拾肆丸三歲拾捌丸七
歲貳拾肆丸量大小加減下須是四更初下至天

明通下積來盡時可依形證候下藥補之臨喫此藥恐先吐下些小涎來亦不妨

萬靈丸 主小兒諸積依形證用之

木香

黃連

蓬莪茂 各半

陳橘皮

青橘皮

各去瓢壹分

檳榔

壹錢半重者壹枚

右為末每七藥壹錢用巴豆壹粒去心膜用醋煮巴豆壹枚煮藥令巴豆紫色用杏仁壹枚去皮尖燈火上煨留性二味都研用醋麵糊為丸如小葉豆大每服伍丸柒丸拾丸薄荷薑湯吞下

錢乙消積丸

丁香 玖枚

硝砂仁 拾貳枚

烏梅肉 叁箇焙

巴豆 貳枚去皮油心膜

右為細末麵糊丸黍米大三歲已上叁伍九已下

叁貳丸温水下無時

紫霜丸 消積聚

巴豆 去油心膜

杏仁 去皮尖各貳拾壹箇

代赭石

壹錢研細水飛

右為細末飯丸如粟米大每服叁伍丸至拾丸煎

皂角仁湯下無時兒小者減之

真珠丸 取小兒虛中一切積聚驚涎宿食乳癖治

大小便澀滯療腹脹行滯氣

木香

白丁香

真者

丁香

末

輕粉

各半錢留少許為衣

白滑石

末貳錢

巴豆

拾肆粒水浸壹宿研

賦極

右為末研勻濕紙裹燒粟米飯丸麻子大一歲壹

丸八九歲以上至十五歲服捌九炮皂子煎湯放

冷下挾風熱難動者先服涼藥一服乳癖者減丸

數隔日臨卧一服

消堅丸

消乳癖及下交姝又治痰熱膈實取積

礶砂

末

巴豆霜

輕粉

各壹錢

黃明膠

末伍錢

細墨

少許

水銀沙子

兩皂大

右同研細末少入麵糊為丸如麻子大倒流水下

一歲兒服壹丸食後

白餅子

治小兒腹中有癖不食但飲乳是也

滑石

輕粉

半夏

湯洗焙乾

南星

各壹錢為末

巴豆

貳拾肆粒去皮膜水壹升煮水盡為度

右研勻巴豆後入眾藥以糯米飯為丸如小菜豆

大捏作餅子兒三歲已上叁伍餅四歲以下壹貳

餅蔥白湯下臨卧服

張渙萬靈丹

治小兒脾胃久不和挾積服溫熱藥

皆不効此藥神妙

肉桂

川黃連

蓬莪茂

各壹兩

肉豆蔻仁

檳榔

陳橘皮

去白焙乾

木香

丁香

各半兩已上擣羅為細末次用

巴豆

去皮心膜

杏仁

上擣炒去皮尖貳件並燈上燒灰存性各貳兩箇

右件同再擣拌勻滴水丸黍米大每服未周時壹

粒二三歲貳粒三四歲參粒五七歲伍粒十歲已

上柴粒用生薑湯放冷下乳食後久積或乳癖並

宜常服

剪紅丸

磨癖積殺諸蟲進飲食神効男女老幼皆

可服孕婦勿服

乾漆

炒煙盡

紫堇花

醋拌炒各壹錢

巴豆

米粒去皮膜心不去油

班蝥

米枚去頭足翅炒研時塞兩鼻孔

右為末醋糊丸梧桐子大用紅紗包紅線縛定剪

下來每服壹丸同後藥服之

南木香

雷丸

三稜

生

莪朮

生

百部

微炒各半兩

貝母

檳榔

半生半炒

大黃

生各壹兩

史君子肉

肆拾畝枚

半生半炒

牽牛

生半斤取頭末參兩半

為細末用

皂角拾錠槌碎山茵陳壹兩苦棟根皮

水肆伍碗砂鍋內慢火煎至壹小碗將前末搜

為丸梧子大日乾小兒粟米大每服貳錢半重各
 隨後證改湯使引下五更初服忌葷腥生硬油膩
 物此方與諸方甚異母忽小兒喘急咳嗽
 桑白皮湯下 取寸白蟲煎石榴皮湯下 脚氣
 腫不可行木瓜湯或蜜水下 取細蟲苗蟲沙糖
 水下 小兒一切諸證蜜水或沙糖水下 酒痢
 酒積百藥煎湯下 婦人血脈不行淡醋紅花湯
 送下 婦人血蠱蔥白湯下 腸風下血煎山梔
 子湯下 大小便不通淡醋湯下 食積氣塊諸
 證用溫蜜水溫茶湯下

真方五色丸子 治小兒一切所傷痰涎壅塞胃膈

不利乳食不消變生癖積脇肋片硬按之疼痛及

治一切急慢驚風發搐痰涎壅塞

青丸子 青黛別研 南星薑製各半兩 巴霜半錢

紅丸子 朱砂飛水 半夏薑製各半兩 巴霜半錢

黃丸子 大黃煨 鬱金各半兩 巴霜半錢

白丸子 白附子生 寒水石煨各半兩 巴霜半錢

黑丸子 五靈脂炒 全蝎炒各半兩 巴霜半錢

右前五色藥各另研為細末入巴霜半錢同勻麵
 糊丸粟米大一歲服伍丸乳汁送下量大小加減

或薑湯下急驚金銀薄荷湯慢驚生薑全蝎湯

下積丸 治乳食傷積心腹脹滿氣麤壯熱或瀉或

嘔

丁香 貳拾粒

縮砂仁 貳拾枚

史君子肉 伍枚

烏梅

巴豆肉 不去油各叁枚

右為末爛飯丸麻子大每服叁圓陳皮湯下

五珍丸 治酒食積通用

青皮

乾薑 燒存性

蓬朮

五靈脂 各壹兩

巴豆肉 去半油壹錢

右為細末粳米飯圓麻子大每服叁伍丸米湯下

局方進食丸 治乳食不化心胸脹滿疳積肚疼

木香 炮

枳殼 去白炒

當歸

代赭石 各伍錢

硃砂 另研叁錢

巴豆 去油膜壹錢

麝香 另研伍分

右為細末麵糊丸如黍米大一歲貳丸量兒大小

加減米飲送下

六聖丸 曾氏 治諸積和胃大能主氣厚腸消疳快膈

義茂 炮剉

淨黃連

陳皮 去白

白薑 炮各伍錢

南木香 貳錢半

右除木香不見火餘四味剉焙同木香為末每壹

積

力斗八

百三

錢重巴豆參粒去殼膜心存油碎切入乳鉢細研
同前藥再研勻醋煮麵糊丸麻仁大每服拾伍粒
至貳拾伍粒或參拾伍粒五更空心淡薑湯下利
參伍行勻氣散止補方見常服助脾化積進食消
疳臨睡以淨湯或湯酒下參粒及伍粒每次止丸
藥末參錢淨巴豆玖粒為則不可多合久則味散
烏犀丸曾氏主諸積滯夾驚夾風溫胃調脾消進飲食
吐逆醋醱氣面黃肌瘦不拘孩兒生後歲月遠近
並宜可投

烏犀

即皂角剉參寸長皮炙火中見青烟起為度取出地上瓦盆蓋定存性冷用柴錢

硫黃

白薑

各參錢半

陳皮

去白

川烏

炮去皮臍各伍錢

巴豆

去殼膜心存油柴拾柴粒

右先研硫黃細除巴豆外餘四味同焙為末却薄
切巴豆細研同前五味藥末杵勻用粳米飯包作
一大粽子小瓦餅盛水熟煮候冷取出沙鉢內爛
杵細布兜緊絞出如稠糊安在別器內以藥末亭
分同杵細軟丸粟粒大取諸積每服拾伍丸或伍
丸或貳拾壹丸至參拾叁丸並用淡薑湯泡冷飯
取汁小盞五更初空心送下通利三五行以勻氣
散止補治積吐有醋醱氣每服參丸至伍丸用淡

薑湯入米醋少許候温空心下

水晶丹

曾氏

治驚積食積蟲積腹脹煩啼心惡食減面

黃並宜通利此藥有頑積驚重風緊涎多熱極乃可服非常用之劑及急驚後風痰未盡免生癡疾

宜再投

南星

剉作小塊湯煮少時

半夏

湯泡去滑各叁錢

滑石

肆錢

輕粉

伍拾

淨蕪荑

貳佰片

巴豆

伍拾粒去殼湯泡染

次又去心膜作兩半水煮少時曬乾碎切

右前三味焙為末拌和輕粉外蕪荑巴豆同碎切在乳鉢內細杵入前藥末再拌勻如烏犀丸內製

糊丸麻仁大每服拾伍丸至貳拾伍丸或叁拾伍

心糯米湯泡葱白取汁小盞五更初空心下過三

五行進勻氣散調補下風痰淡薑湯空心服

聚寶方聖餅子 取一切積及虛中積下風涎藥取

病甚穩全不搜攪

輕粉

粉霜 各肆錢

石鷲子

大者貳枚先為細末

延胡索

大者貳拾捌箇為末

右四味同研勻滴水和丸如大棊子大仍放厚陰乾每服壹餅先用熱水浸軟冷漿水調下臨卧更深服後急漱口此藥只取積滯並不損氣更臨時

務霜
取積

加減若下驚積則每料更入朱砂生龍腦各壹錢
重小兒一餅作四服或便捏成小餅子

吉氏追魂散 治果子傷積

白丁香

輕粉

官桂

去麤皮
各叁錢

右為末冷水調下半錢睡時服來日取下所傷物

用異功散煎紫蘇木瓜湯調三服和氣異功散方
見吐瀉

沉香檳榔丸 和脾助胃進食清神寬胸快膈順氣

調中悅顏色壯筋骨理面帶痿黃肌膚瘦弱過食

生果停寒在裏乳癖腹脹作疼及吐利瘡腫瘡後

諸疴蟲積

沉香

檳榔

檀香

南木香

丁皮

三稜

炮剉

神麴

炒

莪茂

炮

麥芽

洗炒

厚朴

刮去麤皮
薑汁炙

蒼朮

米泔浸
剉炒黃

史君肉

剉瓦上
焙乾

青皮

陳皮

各去白

縮砂仁

枳殼

去穰麩
炒燥

益智仁

淨香附

甘艸

炙壹
兩半

右除前五味不見火餘十五味剉焙仍同沉香等

為末水煮麵糊丸麻仁大每服叁拾丸至伍拾丸

溫米湯無時送下兒小不能吞嚥煉蜜丸如芡實

大每以壹丸至貳丸温湯化服

集驗蓬朮丸 治乳食不化心腹脹滿一切所傷

三稜

莪茂 並煨

淨陳皮

淨香附 炒

蘿蔔子 炒各半兩

砂仁

淨青皮

淨枳殼 麩炒

胡黃連

蘆薈 各叁錢

胡椒 貳錢半

右細末糊丸黃米大每叁拾丸加至肆伍拾丸温米飲下日三二服忌生冷硬物

乳積 其候但是吐下乳來有酸臭氣因啼叫未已遽與乳喫停滯不化而得茅先生先用丁香散 吐瀉調

胃後下牛黃丸取下妳積後下勻氣散 不乳食 常服健

脾散 不乳食 即愈 聖惠乳癖之候面色青黃發歇壯

熱吐乳多睡口内生瘡漸黃瘦腹內結塊不散由

乳母食飲無常醉飽過度便即乳兒或乳母偏卧

向乳兒不能迴轉兒亦睡着乳滯偏于脇下因茲結

聚成塊而痛者是也

聖惠京三稜散 治乳癖結實或有滯惡停積不化

今兒日漸羸瘦面色痿黃春夏多發不欲乳食

京三稜

川大黃 微炒

檳榔

鼈甲

赤茯苓 各半兩

枳殼 麩炒微黃貳錢半

右擣羅為散每服壹錢水壹小盞煎至伍分去滓
分為二服日三四服逐下惡物為度

張渙三稜散 治小兒乳癖結實不瘥

京三稜 炮判 赤茯苓

當歸 洗焙

鼈甲 醋炙黃去 枳殼 麩炒

木香

白木 各半

右搗羅細末每服壹錢水壹盞入生薑柒片煎至

伍分去滓放溫時時與服

劑聖惠化癖丸 治乳癖結塊久不消化諸藥無效

巴豆霜 半兩

膩粉

朱砂 各壹錢研

黃鷹糞 貳錢半

硃砂

雄雀糞 各壹字

右件都研如粉用糯米飯和丸如黍米大一歲兒
每服空心煎皂莢仁湯下貳丸取下惡物為度

丁香化癖散 丹溪 治乳癖

白丁香

蜜陀僧

硫黃 已上各貳錢

硃砂 伍分

輕粉 少許

右研細末每一歲兒服伍分男病女乳調女病男
乳調出下黑糞為度後用通膈丸泄之

二丁丸 見疳門疳熱條

青礞石丸 治證同前

硫黃 叁錢

青礞石

五靈脂

鍋底黑 錢半

白丁香 壹錢 去土

為末米飯丸菜豆大捻餅子每服貳拾餅溫水下

玉訣銀白散 生胃氣取下後宜服此方

人參

茯苓

甘草 炙

白木 炒 麥麩

白扁豆 去皮

藿香葉

右各等分末壹錢紫蘇湯調下

外治

張氏治小兒妳脾方

用芫花 壹兩醋浸 叁日淨洗 大黃 兩半 為末入蒜壹斤同藥末

研爛勻男左女右用藥塗在乳母手心熨擦妳上

如聞得患人口中出藥氣即持取了立効

董氏家傳治小兒妳脾極効方

紫河車 貳兩

寒食麵 叁兩

右同為末每用壹匙許水調塗足心病在左塗

左病在右塗右塗於紅帛上縛之良久其病大便

中盡去救人多矣大便盡洗去

孔氏家傳治小兒妳癬方

右取去陀僧不拘多少研極細以大蒜自然汁調

稠塗於有妳脾處據其大小周遍又不可

塗之太過須臾候兒口中有蒜氣息即是藥透手

細以手揉之覺妳脾似消及五六分卽用溫漿水洗去切須量度不可令消盡恐藥毒損氣也如未消藥先乾卽以溫水潤之

譚氏殊聖治月裏孩兒妳癖方

紫河車

人參各等分

右為末用好醋調拍成餅子如大錢大如左畔有癖者藥貼左畔脚心用緋帛扎乾後見効左右一般使藥

食積 肚硬而熱於他處或瀉或嘔因飲食過飽飽後卽睡而得茅先生用生黃丸取積後用勻氣散調理

常服萬靈丸卽愈

錢氏消積丸真珠丸

方見前

快膈消食丸

砂仁

淨陳皮

三稜

莪茂

神麩

麥蘖

各半兩

淨香附子

另炒壹

為末糊丸如麻子大食後白湯下看輕重却用下積藥一方加製枳殼

氣積 其候面色黃白不進食腹痛天矯啼叫利如蠟渤此因榮衛不和二氣乖忤日久得之 茅先生用萬靈丸勻氣散醒脾散建脾散相夾調理

秘錄治小兒氣癖取三稜針作羹粥以米麪爲之與乳母食每日取一棗大與兒喫亦得作粥與羹熱食之治小兒十歲已下及新生百日無問癩熱無辜疰癖等皆理之妙不可言

脾積面黃如土色或面帶虛浮臍上微痛肚皮熱飲食減少纔食便言臍上及腹中痛所食不化頭微熱此因先食硬物或冷物所傷在脾治之先下青金丸見前取下脾中積後用勻氣散醒脾散調理常服健脾散萬靈丸卽瘉

驚積曾有時時泄清水如生米汁是受傷而復有積煩悶啾唧常以生嗔名爲驚積先解驚後理積解驚五苓散或百解散理積三稜散或烏犀丸及三解散炒神麩生薑煎湯調服醒脾散沉香檳榔丸寧驚化積壯氣和胃仍節冷乳自然平治

莊氏紫金丸 治大人小兒因驚積聚黏滑毒物在脾胃累曾用藥取不下變成虛中積大人喫食吐逆心腹脹滿夜有虛汗日漸瘦惡用薑棗湯下柒丸婦人血氣米飲下伍丸至柒丸小兒驚積體熱困重目不開用黃連甘草桃仁薄荷湯化膩粉壹字許下一歲上三歲下叁丸小兒只可壹丸貳丸

利

蝎稍

參朱

犀角末

銀末

朱砂

各壹錢

右研極細末用水麵糊為丸菜豆大依前湯使

莊氏軟金丸 治驚疳下積聚

青黛

臍粉

胡黃連

麝香

各貳錢半

寒食麵

參錢

史君子

參箇

天漿子

參朱

右七味研勻滴水丸梧桐子大每服壹丸用金銀

薄荷湯化下

劉氏桃紅散 治小兒驚積疳積常服進食面如桃

花

馬牙硝

朱砂

茯苓

人參

各等分

右末之二歲服貳字一歲壹字三歲亦貳字四五

歲參字新汲水入少蜜調下蜜水約盞內參分許

湯氏云驚癇須用蒙石藥方可治之

虛中積

其候渾身微熱不思飲食昏昧神緩抱着一

似睡未覺肚熱足冷者多因吐瀉大病及攻擊之後

而得此候茅先生先用青金丸取積後用勻氣醒脾

散調理常服萬靈丸保童丸即愈

續

力耳八

百九

王先生靈砂丹 下虛中積藏府虛滑泄瀉久經取
轉裏急後重久積惡痢暴瀉久不止神效

通明礪砂

壹錢

顆塊辰砂

通明有墻壁者
貳錢半各細研

右二味袞研極細用黃蠟半兩先於盞內鎔化入
去皮全巴豆參米粒煎候巴豆紫色爲度漉豆出
細研入前二味再研勻於黃蠟內三分取一再鎔
成汁傾藥入內急攪令勻刮入甕合收之每服暴
瀉惡痢旋斲叁丸如棗豆大濃煎艾湯先呷三五
口然後吞下水瀉冷水吞下如取積每服叁丸如
梧桐子大濃煎甘草湯放冷吞下臨卧服其久積

藥隨積下其小可不動便安

按既是虛卽不宜用峻劑取積仍須用四君子益
黃散之類相兼服之

實積

其候大便不通風毒瘡癰喉閉疝腮咽中涎響

茅先生先用奪命散

急驚

吐下熱涎後用勻氣散醒脾

散調理常服牛黃膏天竺黃散

並實熱

鎮心丸卽愈

積痛

仲陽云積痛口中氣溫面色黃白目無精光或

白睛多及多睡畏食或大便酸臭者當磨積而痛自
除宜下積丸甚者白餅子下之後和胃氣用白朮散
渴小沉香丸感應丸治之又有食積肚痛有熱者芍

藥甘草湯腹加乾葛吐者加半夏生薑或加枳實亦

効

小沉香丸 和中順氣進食消痰

砂仁

蓬茂各肆錢煨

香附子

去毛炒壹兩捌錢

舶上丁香皮

肆兩

沉香

陸錢

甘松

去土叁兩陸錢

益智仁

微炒壹兩貳錢

甘草

炙壹兩肆錢

右為細末湯浸蒸餅丸如桐子大每服叁拾或肆

拾丸食後溫薑湯下或嚼破更妙

良方妙香丸

治小兒虛中積潮發寒熱心

腹脹滿疼痛

辰砂

壹兩

牛黃

生龍腦

麝香

各貳錢半

金箔

拾肆片

粉霜

膩粉

各壹錢

黃蠟

貳兩

巴豆

肥者壹伯貳拾粒

右丸如彈子大量虛實加減龍腦漿水下夜半後

服藏虛即以龍腦米飲下每服叁丸如小豆欲藥

勢緩即按令扁疾堅者加至拾丸皆以針刺作數

孔以行藥力小兒取積丸如菜豆治小兒吐逆尤

効此藥最下胸中煩及虛積

嬰孺治小兒自下後得寒熱血結成癖氣在左脇下

或寒飲或冷食積聚氣動胸心留熱不下食飲闕瘦

宜先服少飲子散氣下食後服紫雙丸去宿積自充
溢也飲子方

柴胡

茯苓

人參

白朮

鼈甲

醋塗炙香
熟各半兩

右切如豆大水貳升煮伍合空心分温叁肆服相
去如人行一二里久再服食粥將息

茅先生論小兒生下五箇月日上至七歲有結
癖在腹成塊如梅核大來去或似卵大常叫疼痛者
亦分數類在左脇下痛者名疝氣在右脇下痛者名
癖氣下蓬莪茂散夾建脾飲不乳食與服即愈如見面

黑眼直視瀉黑血鼻口冷手足冷不進食者死 錢

氏論小兒病癖由乳食不消伏在腹中乍涼乍熱飲
水或喘嗽與潮熱相類不早治必成疳以其有癖故
令兒不食致脾胃虛而熱發故引飲過多即蕩滌腸
胃亡失津液胃不能傳化水穀其脉沉細益不食脾
胃虛衰四肢不舉諸邪遂生鮮不瘦而成疳矣 論
癖為潮熱去曹宣德子三歲面黃時發寒熱不欲食
而飲水及乳不止眾醫以為潮熱用牛黃丸麝香丸
不愈及以止渴乾葛散服之反吐錢曰當下白餅子
見後補脾乃以消積丸磨之前見此乃癖也後果愈何

積
以故不食但飲水者食伏於管內不能消致令發寒
服止渴藥吐者以藥衝脾故也下之即愈 仁齋曰
癖者血膜包水側僻於脇旁時時作痛也惟癖為能
發潮為能生寒熱故瘧家中腕多畜黃水日久而復
結癖寒熱不已有是疾者以此小兒藏府和平榮衛
調暢則津液自然流通縱使多飲水漿不能為病惟
乳哺失調三焦關隔以致水飲停滯腸胃不能宣通
如冷氣搏之則結聚而成癖輕者用積滯木香丸重
者用取癖丸 曾氏曰嬰兒始生稟賦未完失於襁
褓之不謹乳哺之不節外為六淫侵襲內因五藏氣

虛冷積久停於脾不能尅化結成癖鬼突於脇下或
左或右俗曰龜癆其疾皆因積滯蘊作致有寒熱或
腹肚疼痛或晝涼夜熱治療之法氣實者亦須溫正
胃氣後用烏犀丸或水晶丹下之如過二三次即以
稀粥略止候所作形證消盡方投補益之劑氣虛者
先與調脾胃固真元神色稍正飲食進多如前法下
之若太虛甚用三稜散化癖丸漸消之順適陰陽以
平為期然先補後瀉行迎奪之法則取去陳寒冷積
若面黃唇白髮豎肌瘦乃為虛極不可輕下但徐徐
用藥消化調理為上若兒小者更令乳母常服藿香

飲使藥從乳過亦少助也

茅先生蓬莪茂散 主小兒疝氣一切氣疾

蓬莪茂

青橘皮

益智 各半兩

木香 貳錢

糯米 壹兩

右為末每服壹大錢用陳米飲調下日進四服

聖惠鼈甲散

用鼈甲

壹枚塗醋炙令黃去裙爛

右擣細羅為末每服壹錢以

童子小便壹小盞煎至伍分量兒大小分減服之

日三服神效

化癥丸 曾氏 主癥結氣塊在脇之間日久不化乍寒乍

熱腑臟不調米穀不消哽氣喘促胸腹滿悶及

下奚哺露

南木香

陳皮 去白

莪茂 炮剉

三稜 炮剉

青皮 巴豆玖粒去皮膜心微炒去巴豆

枳殼 去穰

檳榔 柒味各半兩

白朮

丁香 貳味各貳錢

細辛 燒存性肆錢

右除木香檳榔丁香不過火餘七味焙同前三味

為末麩糊丸作麻仁大每服拾伍丸至貳拾壹丸

清米湯空心下有寒熱往來以柴胡飲間服忌油

膩生冷

木香丸 治吐乳瀉乳其氣酸臭由啼叫不已以乳
 與兒停滯不化是為乳積肚硬熱渴吐瀉由飲食
 無度過飽即睡是為食積腹痛啼叫利如蟹渤由
 觸忤其氣滯衛不和淹延日久是為氣積瘡後肚
 內結癖成塊

木香

蓬茂

砂仁

青皮 去白

硃砂 研細

代赭石 研各
貳錢

大丁香

川巴豆肉 紙壓去油
各壹錢

右為細末和勻飛白麵糊為丸麻子大每服貳叁
 丸乳傷乳汁下食傷米飲下

取癖丸 峻劑非實積危甚不用

甘遂 微炒

芫花 炒

牽牛 半炒半生
研取末

辣桂

蓬茂

青皮 去穢

木香

桃仁 浸去
皮炒

五靈脂 各貳
錢

右為細末入去油巴豆壹錢研和十分細飛麵糊
 丸麻子大每服壹貳丸薑蜜煎湯灌下泄後冷粥
 補仍和胃

揆癖丸 治乳癖穀癥腹中塊痛

木香

青皮 去穢

蓬茂

代赭石

火煨醋
淬細研

生地黃

各叁錢

巴豆

壓去油
盡壹錢

利
右為細末醋麵糊丸麻子大每服貳丸食後擦薑
泡湯下

外臺必効療大人小兒癖方

右取車下李仁微湯退去皮及雙仁與乾麵相半
搗之為餅如猶乾和淡水如常搜麵大小一如病
入手掌為兩餅微炙使黃勿令至熟空肚食壹枚
當快利如不利更食壹枚或飲熱粥汁卽利以快
利為度至午後利不止卽以醋飯止之利後當虛
病未盡者量力一二日更盡一服以病盡為限小
兒亦以意量之不得食酪及牛馬肉無不効但病

重者李仁與麵相半輕者以意減之後服者亦任
量力頻試差神効

聖惠前胡丸 治小兒癖氣腹痛

前胡

桔梗各去蘆

赤芍藥

赤茯苓

枳殼

川大黃

當歸

郁李仁

去皮微炒各半兩

鼈甲

壹兩炙令黃

右件搗羅為末鍊蜜和丸如菉豆大三歲兒每服
空心以粥飲化破伍丸服量兒大小加減
嬰孺治小兒閃癖身體壯熱頻服冷藥冷氣漫心成
癖下焦又冷腸結大便難方

茯苓

川芎

鼈甲炙

枳殼炙

芍藥各貳分

柴胡肆分

右剉以水壹大升參合煎至參合空心為二服去
如人行五六里再服忌菹子

朱氏知母丸 治小兒腹痛不調兼癖氣

知母陸分

鼈甲炙肆分

牡蠣

枳殼炒各參分

大黃拾貳分紙裏煨熟

右件為末蜜丸如棗豆大米飲下伍丸大人以意

分減服

治七八歲兒多睡或時壯熱日加羸瘦身雖不痛有

時痢膿嘔逆不食是癖氣之候其疾似瘧疾人多
不識此患方

柴胡有二三種

黃芩各壹分

枳殼炒兩片

甘艸虎湯謂不知母

知母瀉大病勿

芍藥各貳分

大訶梨勒煨取皮壹箇小者用貳箇

右件為末水壹盞煎服

針灸 小兒癖氣久不瘥者灸中脘一穴章門二穴各

灸壯章門在大橫外直臍季脇肋端側卧曲上足伸

下足舉臂取之 中脘在上脘下一寸臍上四寸居

心蔽骨與臍之中從髑髀下取病人四指定穴併

積

幼科八

臍後脊骨中貳柒壯無不驗

茶甘章門五六面收直潮李蘇胡蘇四相由土吳中

小兒蘇尿久不潔者炎中朝一水章門二水谷

古抄益末水壹蓋煎粥

大陷柴燐小者用煎

甘枳

呖母

芒藥谷瘧

柴出

黃苓谷壹

味蘇兩廿

不瀉也惠古

却麻難斷並不食長鞞康之知其寒以蘇蘇入參

渴

潔古論渴有三種 一者實熱積於心脾煩躁大渴

引飲宜白虎湯謂不因吐瀉大病忽然而作 二者

因久病或取轉過度致脾虛引飲宜白朮散 三者

因患濕熱病熱結膀胱小便不利大渴引飲有表裏

證者宜五苓散主之 百問云小兒唇紅如丹即發

渴紅甚焦黑則危篤若三焦虛煩作渴者用三黃湯

傷寒後唇口焦者用白虎湯竹葉湯瀉痢作渴者用

四苓散之類常治暑積心脾煩渴引飲者用白虎湯

渴

刀斗八

二百

下利脾虛作渴用七味白朮散熱結膀胱小便祕渴者用五苓散上焦虛熱者用四君子湯膏梁積熱者用清胃散脾胃積熱者用瀉黃散中氣虛熱者用異功散腎水虛熱者用六味丸其餘疴證發熱各詳本證胎稟所致者當各審其因若誤用寒涼降火脾胃復傷則腹脹而為敗證矣

寶壽白虎湯 發熱

三黃湯

黃芩

黃連

黃檗 各等分

右水煎服

聖惠黃連散 治小兒心肺積熱渴不止咽喉乾痛

黃連 去鬚

射干

川升麻

白茯苓

麥門冬 去心

玄參

甘草 炙微赤剉

桑根白皮

黃芩 各半兩

石件藥搗麤羅為散每服一錢以水一小盞入青竹葉七片煎五分去查入蜜半合更煎一兩沸放

溫時時與兒呷之

麥門冬散 治小兒心肺熱壅口渴不止

麥門冬 去心

梔子仁

犀角 屑

知母

甘草 炙

黃芩 各半兩

右為散每服一錢水一盞入竹葉七片煎五分不計時候服亦可量兒大小分減服

聖惠退痰子 治小兒熱渴不止

石膏 寒水石

蠶蛹 各貳兩

右件藥以水三升入銀石三味煎至一升去銀石次下蠶蛹煎至七合去滓每服半合不計時候溫服之量兒大小加減

菰蘆根散 治小兒熱渴不止煩悶

菰蘆根 參分 黃芩 知母 各半兩

右件藥搗羅為散每服一錢以水一小盞入小麥粟米一百粒煎至五分去查不計時候溫服量兒大小以意加減

又方

菰蘆根 參分 黃芩 半兩 小麥 半合

右件以水三盞煎取一盞去查不計時候服量兒大小加減

又方

生葛汁 竹瀝 各貳合

右件汁相和令勻不拘時候服半合量兒大小加減

茅先生胡黃連散 治小兒諸渴及疳渴解諸般熱

胡黃連 麥門冬 乾葛

玄參 甘草炙 枇杷葉炙去毛

右各等分爲末每服一錢水七分一盞生薑一片

同煎五分後放蜜三五滴同煎至四分溫服

虛熱 聖惠蘆根散 治小兒壯熱不止

蘆根 黃耆 人參

甘草炙 麥門冬 知母各半兩

右件麤羅爲散每服一錢以水一小盞入竹葉七片粟米一百粒煎至五分去查不計時候溫服量

兒之大小以意加減

嬰孺麥門冬湯 治小兒夏天服藥大下後胃中虛

熱渴欲飲水

麥門冬 甘草 龍骨各肆分

枳實 黃芩 茯苓

人參各叁分

右以水四升煮取一升半爲三服服此湯後渴不差取水芹煮濃汁飲之間湯服之甚者恣意與之服

蘆根飲子 治小兒壯熱渴兼吐不止

生蘆根

切伍分

淡竹青皮

人參

各捌分

桔梗

伍分

知母

拾分

粟米

叁分

右以水五升煮之一升半量兒大小與之服

菰蘆湯

治小兒熱渴或吐下後虛熱渴

詠蘆

伍分

黃芩

叁分

知母

蘆根

各貳分

生米

貳分

麥門冬

叁分

右切以水五升煮二升如飲漿水度服之

脾虛 錢氏白朮散

人參

切去頭

白朮

木香

白茯苓

去皮

甘草

剉炒

藿香葉

各壹兩

乾葛

貳兩

右為麤末每服一錢至二錢水一盞煎至五分温

服如飲水者多煎與之無時

海藏云治發渴四君子加乾葛枇杷葉

先以棗湯煮過炙乾用

各等分 木瓜少許同煎服亦治虛渴法也

五苓散

方見

小方脉論小兒渴病喫水太多腹脹泄瀉此病得之

心藏熱心與小腸合小腸亦受熱小腸既熱其氣上

行奔胃口致孩子喫水其水待奔小腸被小腸氣熱

滲泄不及轉入大腸如治之先下淋藥後下涼心藏

行脾虛

五苓散

方見

三十一

藥然後止渴乃効 按此亦五苓散證也

小方脉論治渴先下淋藥方

鬱金

滑石各壹兩

早蓮子半兩

右件為末每服半錢煎葱湯調下急進三服涼心

藥

小方脉論欲止渴次涼心藏藥方

烏賊魚骨

海浮石各壹兩

蒲黃炒半兩

右末每半錢用枇杷葉煎湯下

黃疸

錢乙論黃相似云身皮目皆黃者黃病也身疼憊背
強大小便澀一身盡黃面目指爪皆黃小便如屋塵
色看物皆黃渴者難治此黃疸也一證多病於大病
後別有一證不因病後身微黃者胃熱也大人亦同
又有面黃腹大食土渴者脾瘕也又有自生而身黃
者胎疸也古書云諸疸皆熱也深黃者是也若淡黃
兼白者胃怯胃不和也 難知云色如熏黃乃濕病
也一身盡痛 色如橘子黃者黃病也身不痛 乾

黃疸

切

二

黃燥也小便自利四肢不沉重渴而引飲者梔子蘗皮湯 濕黃脾也小便不利四肢沉重似渴不欲飲者大茵陳湯 大便自利而黃者茵陳梔子黃連三物湯 往來寒熱一身盡黃者小柴胡加梔子湯 潔古云陽黃則大小便赤澀身熱是脾土與心火相搏為陽病法當先利小便後下大便 陰黃則清便自調面目及身黃四肢冷是脾虛不能制腎水當用益黃散下使君子丸 益黃散方見脾史 梔子丸方見疳 凡治黃病腹脹當用茵陳蒿湯調下五苓散若欲利小便黃欲利大便則加大黃之類有陽證可服調

水者是也 湯氏云身疼臍背疼大小便澀皮膚面目齒爪皆黃小便如屋塵色利者易治澀者難治宜服五苓散加茵陳煎湯調又宜服導赤散加茵陳煎或身熱宜服小柴胡湯甚者服承氣湯 曾凡黃病者不可一槩而論標本不同證治亦異乃脾胃氣虛感受濕熱鬱於腠理淫於皮膚蘊積成黃熏發於外故有此證或脾胃虛弱內因癥癖攻之而成然疳瀉亦主皮黃髮豎肚大青筋肌肉消瘦外無色澤身必發黃此又本於疳病而作致有是證治法若感濕熱而得身黃如煙熏之色以咬咀五苓散加麻黃水薑

煎投汗之即愈或用茵陳蒿湯調下五苓散亦好
若得於疳瘕者其形如黃土相類以醒脾散慢驚化
瘕積醒脾快胃磨積理疳胃氣既和飲食倍進運
化精微榮養百骸灌溉臟腑五色各見於本部精華
乃形於面貌其黃自除薛經曰中央黃色入通於
脾故黃疸者脾之色也夫人身之神貴於藏而默用
見於外則內虛矣其證皆因脾氣有虧運化失職濕
熱留於肌膚發而為疸錢仲陽所謂身痛背彊二便
澀滯遍身面目爪甲皆黃是也小便褐色者難治療
法宜固脾為先如專用尅伐寬中澹泄利水之藥則

鮮有不至危者矣若初生及百日半年之間不因病
而身黃者胃熱胎黃也腹大食土為脾疳兼作渴飲
冷者用瀉黃散世小便不利者茵陳湯病後發黃肢
體浮腫者用白朮散渴清便自調肢冷嗜卧者益黃
散脾身澹黃白者調中丸腹及補中益氣湯虛加茵
陳身熱膈滿肌膚面目皆黃者加減瀉黃散辨其所
以若閉目壯熱多哭不已大小便赤澁口中熱氣者
迺妊娠厚味胎毒之候也母子並服生地黃湯胎仍
忌酒麪五辛熱物設不自慎悞傷脾土急則變為驚
風吐瀉緩則肢體浮腫小便不利眼目障閉多成疳

疾矣又有脾虛發黃者當於脾胃中求之

茵陳湯 治陽明病發熱汗出者此為熱

越不能發也但頭汗出身無汗齊頸而還小便不利渴引水漿者此為瘀熱在裏身必發黃傷寒七八日身黃如橘色小便不利腹微滿者宜此

茵陳蒿 嫩者壹兩 大黃 叁錢半 梔子 大者叁枚

右剉散以水壹大盞先煎茵陳減半次內二味煎

捌分去滓溫服日三服小便當利如皂角汁狀色

正赤一宿腹減黃從小便中去也量大小加減

梔子檉皮湯 治傷寒身黃發熱

梔子 捌枚 黃蘗 壹兩 甘草 半兩

右剉散每服貳錢水壹盞煎陸分去滓溫服

犀角散 治小兒黃疸一身盡黃

犀角 兩 銹壹 茵陳 乾葛

升麻 龍膽艸 生地黃 各半兩

寒水石 柒錢半

右剉散水煎服 一方治小兒忽發黃面目皮肉

盡黃葛根搗汁和蜜服

連翹赤小豆湯 治小兒傷寒發黃身熱

麻黃 去節 連翹 甘草

生薑

赤小豆

生梓白皮各貳兩

杏仁

肆拾壹箇

大棗

拾貳枚

右剉散白水煎又一方生小麥苗搗汁服之立効

羅謙甫治一小兒季夏身體蒸熱胸膈煩滿皮膚如

漬橋之黃眼中白睛亦黃筋骨痿弱不能行立此由

季夏之熱加以濕氣而蒸熱搏於經絡入於骨髓使

臟氣不平故脾遂乘心濕熱相合而成此疾也蓋心

火實則身體蒸熱胸膈煩滿脾濕勝則皮膚如漬橋

之黃有餘之氣必乘已所勝而侮不勝是腎肝受邪

而筋骨痿弱不能行立內經言脾熱者色黃而肉蠕

動又言濕熱成痿信哉斯言也所謂子能令母實實

則瀉其子也蓋脾土退其本位腎水得復心火自平

矣又內經曰治痿獨取於陽明正謂此也加減瀉黃

散主之

加減瀉黃散方

此藥退脾土復腎水降心火

黃連

茵陳各伍分

黃蘗

黃芩

山梔

茯苓各叁分

澤瀉貳分

右咬咀都作一服水壹盞煎至陸分去滓稍熱服

食後一服減半待五日再服而良愈

經云土位之主其瀉以苦又云脾苦濕急食苦以
之故用黃連茵陳之苦寒除濕熱為君腎欲堅
急食苦以堅之所以黃檗之苦辛寒強筋骨為臣
濕熱成煩以苦瀉之故以黃芩山梔子之苦寒止
煩滿為佐濕淫於內以淡泄之故以茯苓澤瀉之
甘淡利小便導濕為使也

張渙薑根湯 治黃病

薑根 各兩

茵陳

山梔子

黃芩

甘草 四味各半兩

右件搗羅為細末每服壹錢水捌分入薄荷參葉

煎至伍分去滓放溫服

子芩散 治黃病

黃芩

瓜樓根

茯苓 各壹兩

甘草

胡黃連 各半兩

右件為細末每服壹錢水捌分煎五分去滓溫服

茵陳湯 治小兒發黃等病身如橘色

山茵陳

山梔子仁 各壹兩

川大黃

川芒硝

木通

寒水石 各半兩

右煎服法同前

三黃散 治小兒黃疸

川大黃

剉微炒

黃芩

黃連

去鬚各半兩

右煎法同前食後服

雙連丹 治疸病

川黃連

去鬚

胡黃連

各壹兩

右件搗羅為細末用黃瓜壹枚去穰留一小蓋子入二藥末後以蓋子蓋定用麵裹慢火燒令麵焦去麵搗熟如菜豆大每服柒粒至拾粒溫水下量兒大小以意加減

當歸丸

治小兒冷熱不調大便青黃心腹多痛或

見悲哭閉夜啼條

腹中氣滿或時嘔逆不欲飲食

加枳殼尤妙

當歸

白芍藥

人參

川芎

各叁錢

甘艸

白朮

各半兩

右為末水煮麵糊為丸如麻子大三歲兒每服拾丸粥飲下日叁服量大小加減冷甚加陳皮小半夏湯 治黃疸小便色不異欲自利腹滿而喘者不可除熱熱去必噦

半夏

湯洗柒次

右剉散每服叁錢水壹盞薑拾片煎柒分去滓溫服

滲濕 茯苓 滲濕湯 治小兒黃疸寒熱嘔吐而渴欲飲水身體面目俱黃小便不利不得安卧不思飲食

茯苓 伍分

澤瀉 叁分

茵陳 陸分

豬苓

黃芩

山梔

黃連

防已

白朮

蒼朮

陳皮

青皮

枳殼 各貳錢

右咬咀水煎徐徐溫服

消食消食丸 治小兒脾胃不和常服寬中快氣消

乳食正顏色

礞砂仁

陳皮

三稜

蓬茂

神麴 炒

麥芽 炒

香附子 米泔浸炒

枳殼

檳榔

烏梅 各半兩

丁香 貳錢半

右為末麵糊丸棗豆大食後紫蘇湯下貳叁拾丸

丹溪治小兒吐瀉黃疸方

三稜

蓬茂

青皮

陳皮

神麴

麥芽

黃連

甘艸

白朮

茯苓冬等分

右為末溫熟水調服若傷乳食吐瀉加山查時氣吐瀉加滑石發熱加薄荷

淡黃白者胃不和也平胃散不乳食調中丸腹痛

渴者白朮散渴

瓜蒂散 治小兒忽發心滿堅硬脚手心熱變

為黃疸不急治則殺人

瓜蒂朱枚 赤小豆朱粒 秫米朱粒

右為末用壹字吹兩鼻內令黃水出餘末盡水調服之得吐出黃水即愈一方瓜蒂壹兩赤小豆肆兩

每壹錢溫湯調服服後即卧當吐清黃汁為效虛者不宜服

千金翼秦王九疸散兼治大人小兒方

胃疸食多喜飲梔子仁主之 心疸煩心心中熱

茜根主之 腎疸唇乾葶藶子主之熬 脾疸尿

赤出少惕惕恐蕪蘆主之 膏疸飲水尿多秦椒

瓜蒂主之柳汁膏一作肺 舌疸渴而數便鍾乳主之

肉疸小便白凝水石主之 髓疸目深多嗜卧牡

蠣澤瀉主之 肝疸胃熱飲多水激肝白朮主之

右一十一味等分隨病所在加半搗篩為散飲服

五分匕日三稍稍加至方寸匕見小者量與之

黑疸千金翼治大人小兒黃疸變成黑疸醫所不能

治方

右用土瓜根搗汁壹升頓服之病當從小便出小兒分減服葛氏亦治小兒四歲發黃者

千金翼治大人小兒黃黑等疸方

當歸 叁兩

桂心 陸兩

乾棗 拾柒枚 去核

麥門冬 壹升

大黃 壹兩

茵陳

黃芩

黃芪 壹本無

乾薑

茯苓

芍藥

黃連

石膏 碎

人參

甘草 各貳兩

右十五味攷咀以水壹斗煮取叁升半分肆服小

兒分減服

千金翼赤苓散主黑疸身皮大便皆黑通治大人小

兒

赤小豆 叁拾枚

茯苓

女萎 各陸銖

雄黃 壹銖

瓜丁 肆銖

甘艸 貳銖

右六味以水叁升煮豆茯苓取捌合搗四味為散和半錢匕服之須臾當吐吐則愈亦主一切黃小

兒服半字匕

年斗炎之類之頁其當土土其愈亦主二氏黃小
或六和以水參我煮豆芥苓如附合盡四和為精

右熟黃壹粒

瓜丁

學粒

甘艸

瀉粒

赤小豆

對參壹

芥苓

兒四歲後 艾葉

各壹粒

千金黃赤苓精主黑疸良方大野皆黑腫欲入小

泉令熱燥

古十五和以水壹斗煮如參我半令畢煎小

百膏

每

人參

甘草

壹粒

滯頤

巢氏論滯頤之病是小兒多涎唾流出漬於頤下此
由脾冷液多故也脾之液為涎脾氣冷不能收制其
津液故冷涎流出滯漬於頤也 按內經云舌縱涎
下皆屬於熱而此專屬脾冷亦一偏之見張渙處冷
熱各一方為得之然以流出為冷不流出為熱恐亦
未確

張

張渙溫脾丹

治脾冷病

丁香

木香

各壹兩

半夏

壹兩用生薑陸兩同

潤脾

搗細炒

令黃

乾薑微炒各半兩

青橘皮

白朮

右件搗羅為細末煉蜜和如黍米大每服拾粒米飲下量兒大小加減

溫胃散 治脾冷流涎

丁香壹兩

肉豆蔻

半夏白礬水浸炒黃

白朮

乾薑

甘草

人參去蘆頭各半兩

右件搗羅為細末每服一錢水八分入生薑二片煎五分去滓溫服食前

金朱丹 治脾熱多涎

金箔貳拾片研

朱砂細研水飛

半夏湯浸七遍取末

天南星牛膽製取末各壹兩

白茯苓取末

石膏細研水飛各半兩

右件都拌勻再細研用生薑自然汁和如黍米大每服十粒煎人參湯下乳後

牛蒡丹

牛蒡子壹兩

鬱金

川朴硝

枳殼麩炒去穰

皂子炒黃各半兩

右件搗羅為細末用生薑汁打白麩糊和如黍米

帶頂

刀斗

言六

大每服十粒煎人參湯吞下量兒大小加減

雜方 千金治小兒口中涎出方

以白羊屎內口中

又方

以東行牛口中沫塗口中及頰上

又方

桑白汁塗之差

金耒氏

治小兒驚風

大小便不通

翰林待詔楊大鄴問小兒大小便秘澀者為何答曰
乳食失度使之四大不調滋味有貪遂乃五藏受病
甘甜聚食鹹酸滯涎食滯留結於胃腸風壅漬癖於
心肺氣脉不順水穀不行雖不逆於上焦即秘結於
下部小兒不知疼痛莫說因由驚啼叫以頻頻但怒
脹而不乳不知孩兒癩刺連臍則面色青黃但按脉
息與治若不見病源只依外變用藥安能尅効
問調理嬰孩傷寒體熱頭目昏沉不思飲食夾驚夾

食寒熱大小便閉澀不通煩躁作渴冷汗妄流夾積
傷滯膈滿脹急青黃體瘦日夜大熱及療傷風傷暑
驚癇客忤腎藏疝氣等熱並宜脫甲散主之傷寒亦
可服大連翹湯秘便加大黃神芎治小兒驚風積熱
大小便澀滯其效尤速又掩臍法用連根葱一莖不
洗帶泥土生薑一塊淡豆豉二十一粒鹽二匙同研
爛捏餅烘熱掩臍中以綿扎定良久氣透自通不然
再換一劑

神芎丸 治風熱壅滯頭目昏眩口舌生瘡牙齒疳
蝕或遍身瘡疥咬牙驚惕怔忡煩躁多渴或大小

便澀滯或積熱腹滿驚風潮搐並皆治之

大黃生 黃芩各貳兩 生牽牛末壹兩

滑石肆兩 黃連 薄荷葉

川芎各半兩

右為細末滴水丸桐子大每服四五十九食後溫
水下一方加蒲黃止血證用

錢氏郁李仁丸 治襁褓小兒大小便不通并驚熱
痰實欲得澹動者

郁李仁去皮 川大黃去麤皮取實者剉酒浸

滑石半兩 研細

更不通 刀斗

右先將郁李仁研成膏和大黃滑石丸如黍米大
量大小與之以乳汁或薄荷湯下食前

犀角丸 治小兒風熱痰實向赤大小便秘澀三焦

邪熱腑臟蘊毒疎導極穩

生犀 末壹分

人參 去鬚切

枳實 去瓢炙

檳榔 各半兩

黃連 壹兩

大黃 或兩酒浸切片以巴

豆去皮壹百箇貼在大黃上紙裏飯上蒸三次切炒令黃焦去巴豆不用

右為細末鍊蜜和丸如麻子大每服一二十九臨

卧熟水下未動加丸數亦治大人孕婦無損

惠眼芍藥散 治大小便下藥不通者

芍藥

大黃

甘草 炙

當歸

朴硝 各壹分

右為末每服一大錢水一盞瓦器中煎至半盞去

滓服即通

吉氏治大小便不通方

甘草節 炮

槐花 洗各壹兩

右件末每服一錢茶半錢湯點下

又方

滑石 壹大錢

燈心 壹握

右以水二碗煎至一盞溫服

子母祕錄用蜂房燒末酒服壹錢日再

揜臍法

海螵

肆拾玖箇

葱根

帶土柒箇

黑豆

柒箇

鹽

少許

握宣丸

治小兒便難燥結或服澀藥腹脹悶亂命

在須臾可用此丸不移時大小便自利

巴豆

壹錢

硫黃

良薑

附子

檳榔

甘遂

各等分

右爲細末粟米飯和丸如菽豆大用椒湯洗小兒男左女右手握之用綿裹定看行數多少置藥洗

去不用卽止

千金灸法小兒大小便不通灸兩口吻各一壯

百問小兒大便秘乃是肺家有熱在裏流入大腸以

致祕結不通乃實熱也當以四順清涼飲加柴胡

熱甚者加山梔黃芩流利之其衣裏俱熱者面黃煩

赤唇燥口乾小便赤澀大便焦黃無汗者先解表以

柴胡散傷寒汗之解後大便祕或肚疼者以清涼飲

天柴胡湯承氣湯皆下之積熱者神芎丸尤

大柴胡湯承氣湯皆下之積熱者神芎丸尤

海螵蛸專治

葱根帶土

黑豆水浸

鹽少許

握宣丸 治小兒便難燥結或服瀝藥腹脹悶亂命

在須臾可用此丸不移時大小便自利

巴豆炒

硫黃

良薑

附子

檳榔

甘遂各等分

千金灸劫水良大小便不通灸兩口咽喉湯洗小兒
去不用嚼土握之用綿裹定看行數多少置藥洗

大便不通

百問小兒大便秘乃是肺家有熱在裏流入大腸以
致秘結不通乃實熱也當以四順清涼飲熱加柴胡
熱甚者加山梔黃芩流利之其表裏俱熱者面黃頰
赤唇燥口乾小便赤澀大便焦黃無汗者先解表以
柴胡散傷寒汗之解後大便秘或肚疼者以清涼飲
大柴胡湯承氣湯並熱皆可下之積熱者神芎丸尤
妙薛因乳母或兒膏梁積熱及六淫七情鬱火傳
兒為患者用清邪解鬱之劑稟賦怯弱早近色慾大

大便不通

刀斗八

三三

便難而小便牽痛者用滋補肺腎之劑褚氏遺書云
男子精未滿而御女以通其精則四體有不滿之處
異日有難狀之疾老人陰已痿而思色以降其精則
精不出而內敗精已耗而復竭之則大小便牽痛如
淋今童子卽有此患益見今人所稟與古人大徑庭
矣人之氣血厚薄既殊而醫之用藥療法又豈可泥
執古方而無加減之變乎 一小兒食粽停滯大便
不通痛不可忍手足發搐用大柴胡湯調酒麩末一
錢下滯穢甚多作嘔不食用五味異功散加升麻柴
胡而愈 一小兒大便不通審乳母飲食厚味所致

用清胃散以治母熱兒間飲以一二匙而愈後乳母
感寒腹痛食薑酒之物兒大便秘結兼便血仍用清
胃散每日數匙而愈 一小兒因乳母暴怒大便不
通兒亦患之兼用加味小柴胡湯先用保和丸二服
後用五味異功散加升麻柴胡兒日飲數匙並愈
聖惠芎黃散 治小兒大便不通腹脇妨悶

芎藭 半兩

川大黃 剉微炒

郁李仁 湯浸去皮微炒

各參分

右件藥搗細羅爲散每服一錢以溫水半盞調服
量兒大小以意分減以利爲度張漢兼治大小便

不通

張說雞峰方用麻子以水研汁飲之

本草

聖惠苦黃雞

雞大頭不通與雞心同

雞田五利與雞心同其利與雞心同

每良亦出之其利與雞心同其利與雞心同

胃弱并日瘦服此藥一小時因其利與雞心同

減次則服食甚西之利與雞心同其利與雞心同

用散得精以合其利與雞心同其利與雞心同

